





BIBLIOTEKA

Zakł. Nar. im. Ossolińskich

XVI 11.865 ↓
11.874 ↓





Der Durchleuchtigst

und Durchleuchtigen Hochgebornen

Fürsten und Herrn / Herrn Johans Frideris

chen / Herzogen zu Sachsen / des heiligen Römischen

Reichs Erzmarſchalch und Churfürsten / Landgrauen

in Düringen / Marggrauen zu Meissen / und Burggras

uen zu Magdeburg. Und Herrn Philipſen / Landgras

uen zu Hessen / Grauen zu Carzen / Einbogen / Diez / Zies

genhain und Nidda / Warhafftiger bericht und Sum-

marium ausführung / Warumb ihnen zu vnschulden auffge-

legt wird / das sie Römischer Key. May. vntgehorsame

Fürsten sein solten / Das sie auch keins strefflichen vnges-

horsams beziegen mügen werden / anders / denn das sie

von vnserm waren heiligen Christlichen Glauben / und

von Gottes Wort / und der reinen Lere des heiligen

Euangelij / nicht können abstehen / Noch die-

selb dem Römischen Antichrist dem

Papst / und seinem parteischen

Trientischen Concilio

zu richten vnters

werffen.

* *

*

Fugite Idolatriam.

Qui negauerit me coram hominibus, negabo &
ego eum coram Patre meo, qui in caelis est.

Oportet Deo magis obedire quam hominibus.

Jan

M

... die ...
... für al-terley gen ...
... wovon 2 Bristen für derley ...
gebrauchem. 2 Jar Jun

.1. 5. 7. 23



XVI. Qu. 11865

1951 - D - 5046

In Christ ist für Gott sei-
ner gewissen halben schuldig/
nicht vnuerantwortet zu las-
sen/so jm was böses vnd streff-
lichs vnschuldiglich auffgelegt
vnd nachgesagt wird. Darumb waren wir
von Gottes gnaden Johans Friderich / Her-
zog zu Sachsen / Churfürst vnd Burggraff
zu Magdeburg etc. Vnd Philips Landgraff
zu Hessen / Graff zu CatzenElnbogē etc. gantz
willig vnd begierig / ein warhaftige vnd ge-
gründte verantwortung zu thun / vnd ausge-
hen zu lassen / wider etliche bezichtigungen / die
vns sollen zugemessen / vñ auffgelegt werden /
Als solten wir vngheorsame Fürsten / vnd
Key. May. Rebelles sein / Dieweil wir aber
die vrsachen / solchs vermeinten zugemessenen
vngheorsams bisher nicht eigentlich haben
erfarn mügen / auch drumb niemals beschuldig-
get sein worden / So ist vns vnmüglich ge-
west / vnd noch / vns dargegen in specie allent-
halben zunerantworten / In massen / wir das
auch Key. Ma. selbst / der wegen / vnd auff mei-
nung / wie hernach folget / vntertheniglich ge-
schrieben.

Volget das schreiben / so wir an
Key. Ma. gethan.

Aller Durchleuchtigster Grosmechtigster Reichser / aller gnedigster Herr / Es haben vns vnserre Rethen / so wir zu izigen E. Keiserli. Maiest. Reichstag gen Regenspurg auff Ewr. Key. erfordern / in vnterthenigkeit verordnet / bericht gethan vnd geschriben / wie das sie daselbst / sampt andern vnserer Einung / vnd Augspurgischen Confession verwandten / in erfahrung komen / das treffliche grosse rüstungen vnd gewerb vorhanden weren / vnd Kriegsuoelck zu Ross vnd fuß / in mercklicher anzahl bestellt / vnd angenommen würde / Derhalben gemelter Confession vnd Einungs verwandten / Churfürsten / Fürsten vnd Stende / Reth vnd Botschafften Ewr. Key. May. vnterthemigst ersucht / gnedigst einsehen zu haben / damit durch solche rüstung / durchzug vnd gewerb / nicht etwo die stende des Reichs möchten beschedigt / oder vernachtheilet werden zc. Dar auff sich aber Ewer Key. Ma. jegen inen auff meinung inligender verzeichnis / mit antwort hetten vernemen lassen / Vnd wiewol solche ewer Key. Ma. gegebene antwort / vns vñ vorberürten Religions verwandten / auff empfangenen bericht / nicht vnbillich allerley nachdencken gemacht / Wir auch vñ vnserer mituerwandten / vns derselben / nach gelegenheit der sachen / vnd ergangener handlungen / zu Ewr. Ma. billich nicht zu versehen gehabt / So sein wir doch etwas in der vnterthenigsten hoffnung gestanden / das solche gewerb vnd rüstungen / vns oder jemandts im Reich nicht gelten solten / Dieweil wir von E. Key. Ma. auff gemeltem Reichstag / gleich andern Stenden erfordert / vnd derselben zu gehorsam / vnserer Rethen mit gebürlichem gewalt vnd volmacht dahin abgefertigt / welche neben andern Stenden des Reichs E. Key. May. proposition vnterthemigst angehort / vnd sich darauff / als E. Key. Ma. derselbigen vnd anderer Reichstende rath gesucht vnd begert / ires bezdenckens /

denckens / **E. Key. Ma.** begern nach / vntertheniglich ver-
nemen lassen / Das wir vns billich keiner vngnad bey **E.**
Key. Ma. vnd viel weniger einiger Kriegsrüstung / als
E. Key. Ma. vnd des heiligen Reichs vnterthanen zu-
wider / haben wissen zu versehen. Zu dem ist auch ges-
melte **E. Kei. Ma.** antwort / nicht auff vermeinten geüb-
ten / sondern auff künfftigen vngehorsam gericht ges-
west / Nemlich / das **E. Kei. Ma.** nichts anders bedacht /
denn das auffrichtige vergleichung gemacht / auch bes-
stendiger fried / vnd Recht erhalten / Mit diesem bes-
schlieslichen anhangen / da jemand **E. Kei. Ma.** darin
nicht gehorsamē / sondern zuwider sein würde / so künd-
te man erachten / das sich **E. Kei. Ma.** irer habenden aus-
thoritet nach / gegen denselben der gebür erzeigen mus-
sten zc. Darumb wir vnd vnserer Religions verwandten
vns nicht vermuten sollen / das **E. Kei. Ma.** zuuorn vnd
ehr sie sich obgemelter puncten halben ferner erklet /
vnd vnser vnd vnserer Mituerwandten antwort dar-
auff gehört hetten / sich in solche Kriegsrüstung zu be-
geben billiche vrsach schepffen mügen. Nach dem wir
aber zu letzt / vñ sonderlich aus **E. R. M.** schrifften / so sie
an etlich Churfürsten / Fürsten vnd Reichstedte ausge-
hen / Desgleichen auch den reden / so sich **E. May.** für-
nemeste Kethe / der von Granuehl / vnd Naues / gegen
den gesandten der Stedt / haben vernemen lassen / so viel
vermerckt / Das **E. Keiserliche Maie.** solten in fürhaben
sein / etliche vngehorsame Fürsten zu straffen / vnd nu-
fast im ganzen Reich lautbrecht wil werden / Das be-
rürte rüstungen / vns zuwider / beschehen vnd gelten sol-
ten / welchs vns zu vernemen / nicht wenig beschwer-
lich / So haben wir nicht vnterlassen wollen / dis vnser
schreiben / vnd vnschuld an **E. Kei. Ma.** in demut vnd
vnterthenigkeit zu thun / Denn wir wissen ja beide / Got-
lob / fürwar / das wir die zeit vnserer Fürstlichen regie-
2 in rung

rung alleweg / mügen auch mit warheit / vnd sonder
rhum wol sagen / vor vilen andern Stenden des Reichs /
vnserer schuldige dienste / vnd darzu alle gewilligte an-
lagen vnd anschlege / neben andern vnsern mituerwand-
ten gehorsamlich vnd vntertheniglich / vngeachtet / das
dieselben viel andern nachgelassen / geleistet / Auch kei-
nen vreis auff nechstem Reichstag zu Speier geparret /
Ewr Keiserlichen Maiestat begerte hülff vnd anders /
zu befürdern helffen / wie wir die auch für vns selbst vn-
tertheniglich vnd gehorsamlich gewilligt / vnd wirk-
lich geleistet. Das wir nu gegen der vnd andern geleis-
sten vnterthenigkeiten / hören müssen / das wir von E.
Keiserlichen Maiestat / vor vngehorsame Fürsten wöl-
len gehalten werden / Ist vns zu vernemen / nicht allein
bekümmerlich / sondern auch gang beschwerlich / Zetten
auch in vnterthenigkeit wol leiden mügen / vnd were
billich gewesen / Das vns Ewr Keiserliche Maiest. dero
wegen beschuldigt / vnd vnserer antwort vnd gegenbes-
richt darauff gehört / zuuorn vnd ehe Ewr Ma. sich in
solche rüstung begeben / vnd gegen etlichen Churfürsten /
Fürsten vnd Stedten der vngehorsamen Fürsten hal-
ben / sich so beschwerlich hetten vernemen lassen / So solt
sich durch verleiung des Allmechtigen / vnserer vnd vn-
serer mituerwandten vnschuld klar vnd hell / vnd dero
massen befunden haben / das vnserer misgünstigen / sol-
chen vermeinten vngehorsam / mit vngrund auff vns
bey E. Kei. M. erdicht. zu dem das auch E. Kei. M. wol
bewusst / was gnediger vertreg / auch noch auff jüngstem
Reichstag zu Speier / sonderlich mein / des Churfürsten
zu Sachsen / vnd zuuor mit mir / dem Landgrauen zu
Regenspurg / Anno 41. auch allerley sachen halben auff-
gericht / das wir billich sempelich vnd sonderlich keiner
rebellion noch vngehorsams / oder des solten bezichtiget
worden sein / das wir / mit Got / ehren vnd Recht gegen
E. Kei.

3
E. K. M. vnd meniglichen / Gott lob / hetten zu verant-
worten gewußt. Wir wöllen geschweigen / wie vnterthe-
nigst / wir vnd vnser Eimings verwandten vns / der
Sequestration halben / des eroberten Lands zu Braun-
schwig / so E. Ke. Ma. an vns zu Speier / vnd volgendes
vorn jar zu Wormbs begert / auch bewiesen / das wir
darüber vngeacht E. K. M. vnd zugestellten mandaten /
schier in hoch verderben / vnser vñ vnser Land vnd Leut
hetten komen mügen. Zu dem wissen sich E. Kei. Ma.
der Franckfordischen / zur zeit irer Ma. wahl verbrieß-
ten vnd versiegelten / auch bey Keiserlicher betewrun-
gen / gegebenen obligation / vnd darzu wie sich / in sol-
chen fellen / den Rechten / Reichs ordnungen / Landfries-
den / Reichs Abschieden / vnd Friedstenden / nach zu
procediern gebürt hett / auch zu erinnern. Das wir nu
von Ewr Kei. Maie. darüber solchs gewalts gewertig /
das müssen wir / sampt vnsern mituerwandten / dem All-
mechtigen Gott befehlen / des die sachen sein / darumb
es als leichtlich zu erachten Ewr Kei. Maie. zu thun ist /
vnd vns getrösten / das E. Kei. Ma. darzu nicht vrsach
haben / sondern das sich E. M. jres Keiserlichen Ampts
vnd authoritet / gegen vns / vnd vnser mituerwandten /
allein mit der that / on allen Göttlichen vnd rechtmessi-
gen zufall / wöllen misbrauchen / Welchs wir E. Keiser.
Maie. in vnterthenigkeit misgönnen / vnd verhoffen /
Gott werde vns vnd vnser mituerwandten / mit trost
vnd rettung / zu heiligung seines Göttlichen worts vnd
Namens / auch nicht verlassen / So wir auch vermer-
cken vnd erfahren werden / was E. Kei. Ma. vns sampt-
lich vnd sonderlich für vrsachen mehr berürts vermeins-
ten vngehorsams wollen aufflegen / So wöllen wir / vn-
sere warhaffrige entschuldigung / vnd gegenberichte / dar-
auff vnd darwider / mit verleihung Götlicher gnad / of-
fentlich vnd also thun / das nicht allein Churfürsten /
Fürsten

Fürsten vnd Stende des heiligen Reichs / sondern auch
jedermeniglich / greiffen vnd spüren sol / das wir solchs
vermeinten vnghehorsams vnschuldig / vnd das solch E.
Kei. Ma. thetlich vnd gewaltig fürnemen vnd fürhas
ben / aus anstiftung des Antichrists zu Rom / vnd seins
vnchristlichen Concilij zu Trient / allein / zu vertilgung
vnserer waren Christlichen Religion / Gottes Worts /
vnd seins heiligen / heilwertigen Euangelij / auch zu vns
terdrückung der freiheit / vnd libertet der Deutschen
Nation / her rüre / vnd sonst kein andere vrsachen / dar
umb es E. Keiserliche Maiest. zu thun / vorhanden sein /
Welchs alles E. Keiserliche Ma. von vns nicht anders /
denn zu vnser vnuermeidlichen notturfft / vermercken
wollen / vnd habens E. Kei. Ma. in vnterthenigkeit nit
vnangezeigt lassen sollen / deren wir sonst viel
lieber / in aller vnterthenigkeit zu dienen
ganz willig Datum Jchershau
sen / Sontags nach Vis
itationis Marie /
Anno 2c. 46.

E. Keiser.

R. Kei. Ma.

Untertänige

Johans Friderich / Herzog
zu Sachsen / Churfürst ꝛc.
vnd Burggraff zu Magde-
burg / Vnd Philips Lands-
graff zu Hessen / Graff zu
Cazgen Elnbogen / ꝛc.

SChierst wir auch stückweis / vnd in specie werden
erfahren / Aus was vrsachen man vns vor Keiser.
Ma. vngheorsame Fürsten / vnd als rebelles wolle
achten / So wollen wir alsdenn / durch Götliche ver-
leihung / darwider ein solche ableinung / vnd verantwor-
tung thun / das meniglicher befinden sol / das es vns / zu
vnschulden vnbefindlich / vnd on grund zugemessen
würdet.

Vnd dieweil berürt vnser schreiben / an Kei. Maieft.
beschehen / sich vnter andern referiert / auff eine antwort
jrer Keiser. Maie. so sie der Augspurgischen Confession /
vnd Einungs verwandten / Churfürsten / Fürsten vnd
Stenden / Rethen vnd Botschafften / auff jr vntertä-
nigs ersuchen gegeben / So haben wir vor gut ange-
sehen / dieselbe hierin auch mit zu verleiben.

Kei. Maieft. antwort.

SJe Röm. Kei. Maie. vnser aller gnedigster Herr /
hat gnedigst angehört / was jr von wegen der
Stendt / der Augspurgischen Confession / fürge-
bracht / vnd achten von vnnöten / erzehlung zu thun / des
Christlichen veterlichen gemüts vnd wolmeinung / so
die Röm. Kei. Ma. von anfang jrer Regierung / bis auff
diese stunde / gegen dem Reich Deudscher Nation getra-
gen /

gen/ Vnd was vleis vnd mühe jre Maie. jdes mals fürz
gewendet/ damit fried vnd ruhe erhalten/ auch alle auff
rhur/ vnruhe/ vneinigkeit/ verhut werden möchte.

Desselbigen gemüts sein jr Kei. Maie. noch auff dies
sen tag/ vnd sein nicht anders bedacht/ denn das auffz
richtige vergleichung/ zwischen den Stenden gemacht/
auch bestendiger fried vnd Recht erhalten werde.

Vnd alle die jenigen / so jrer Maie. in demselben ges
horsam sein werden/ die alle werden allen gnedigsten/ ve
terlichen vnd guten willen befinden.

Da aber jemandts jrer Ma. nicht gehorsam / sondern
zuwider sein wird / So künd man crachten / das sich jre
Maie. jrer habenden autoritet nach / gegen denselben/
aller gebür halten/ vnd erzeigen müßten.

Diese verzeichnis / ist dem Herrn von Naues Kei. M.
Vice Canzler / der es von wegen jrer Maie. mündlich
angezeigt / volgends widerumb / in seiner herberg vorge
lesen worden / Der hat dieselbe also gerecht verzeichnet
zu sein / sich vernemen lassen.

S Vnu wol Kei. Ma. sich in berürter antwort / hat
vernemen lassen / jre autoritet wider die / so in jrer
jzigen Regenspurgischen handlungen / vngehors
sam sein wurden / zu gebrauchen / So meldet sie doch als
lein von künfftigem / vnd von keinem vergangener zeit /
geübten vngehorsam / Darumb leichtlich zu verstehen
ist / wer vnd was für sachen vnd vngehorsam / mit jrer
Maie. fürgenommen rüstungen vnd gewerben / gemeint
sein müßen / vnd nicht allein wir / sondern alle Augspurs
gische Confession / auch Einungs verwandten / so die
ware Religion / auff des Bepstlichen / Trientischen Con
cilij determination / nicht stellen.

Was hert sich auch Kei. Ma. eben vnter diesem Reg
enspurgischen Reichstage / wider alten der Keiser ges
brauch / vnserthalben allein also rüsten dürffen / wo es
nicht

nicht das hinder jm hette/ Nemlich/ die Augspurgischen Religion verwandten/ vnter gemeltem Reichstage/ das durch in eine furcht zu dringen / in vorberürt Trientisch Concilium zu bewilligen/ Vnd wo man nicht fort wolt/ das man alsdenn auff jenem teil bereit an / zu weiterm drangsal / oder gantzlichem verderben / wider vns alle verfaßt were.

Solt es auch vns beiden allein/ sonderlich prophan vnghehorsams halben gelten / So solt vns Kei. Ma. wie andere Churfürsten/ Fürsten vnd Stende/ zum Reichstage nicht beschriben / noch vnsere Bette vnd gesandten/ zu beratshlagung irer Maie. proposition mit zugelassen/ sondern zu vermeinter liquidation solchs vnghehorsams/ die ausgesetzten wege der Recht/ vñ des Landfrieden / an die hand genommen / vnd vns beschuldiget/ vnd vnsere antwort vnd gegenrede / zuuor darumb gehort haben/ inmassen sich ire Ma. in irer wahl zu Franckfurdt/ mit laiblichem eide/ vnd durch brieff vnd siegel des verpflichtet.

Wem mag auch gleyblich sein/ dieweil Kei. Maieft. aus jzt berürtten vrsachen / nicht gebürt noch geziemet/ vns oder einigem Fürsten des Reichs/ vngehort/ vnd vñ überwunden zu straffen/ das ire Maieft. ehr des wie gemeldet / einen solchen grossen vnkosten / vnserthalben auff die gewerbe vnd rüstungen/ würde gewand haben/ so es vmb weltlicher sachen vnghehorsam / zu thun were.

Zu dem/ so wir gleich beide / sempelich oder sonderlich/ solchs vnghehorsams/ mit Recht vberwunden worden/ So were dennoch dis nicht der weg gewest/ denselben vnghehorsam zu straffen/ Nemlich/ vnsere Land vnd leute/ alsbald darumb gewaltiglich zu vberziehen/ zuuerheeren/ vnd zu verderben.

Ferner so wissen auch / die Christlichen Stende/ der Augspurgischen Confession wol / das sich der Bepstz

sche teil/nu etliche jar her auff Reichstegen/ die gehorsamen Stende genant/ vnd damit auff vns dieses teils gedeutet/ als weren wir allesampt die vngehorsamen.

Darumb es auch die meinung nicht ist/ noch geschehen/ das mehrberürte rüstungen vnserthalben allein/ vnd vmb andere sachen/ denn der Religion halben/ solten fürgenomen worden sein.

Ob auch wol von Kei. Ma. wegen/ Grauen/ Herrn/ vnd den vom Adel/ an vielen orten auff beschehene/ gefeliche vnd vngewöhnliche versamlungen/ durch etliche Kei. Ma. verordenten fürgegeben worden/ wie man sich denn jzt zu Regenspurg auch solle hören lassen/ Keiser. Ma. sey nicht geneigt/ der Religion halben/ einen krieg im Reich fürzunehmen/ Sondern ire Maie. wolle etliche vngehorsame Fürsten straffen. So ist doch solches ein stück der Weltkinder weisheit/ von denen der **3. E. R. R.** im Euangelio sagt/ das sie in irer art listig vnd anschleßig sein. Nemlich die jenen/ so sempelich vnd zu gleich einer sachen verwand sein/ dadurch zu trennen/ vnd den bissen leichter zu machen/ denn so man denselben auff einmal/ vnd zu gleich zuuerschlinden/ auffnehmen solt.

Zu solcher trennung ist dieser weg erdacht/ das man vns beiden einen weltlichen vngehorsam bey Kei. Ma. solt erfinden/ vnd auffrichten/ damit wir von den andern vnsern mituerwandten verlassen würden/ darnach solt einem andern Confession oder Einungs verwandten/ dergleichen schuld auch funden/ vnd also einer nach dem andern hingezogen werden.

Vnd wenn dis/ das Gott gnediglich wende/ beschehen/ so würde man auff dem andern teil darnach/ berürter vertröstung/ nemlich/ der Religion halben/ keinen krieg anzufahen/ zc. bald auch ein solution finden.

Denn nach dem der zweier Bepstlichen Churfürsten/ als Mainz vnd Trier Rethen/ in der beratschlagung der Keiserlichen proposition/ jzt zu Regenspurg/ im an-

fang / ein trennung gemacht / vnd dieselbe mit den andern Bepstlichen / Geistlichen vnd Wellichen Fürsten / allein fürgenomen / vnd iren Rath dahin geschlossen / auch Kei. Ma. schriftlich vberantwort / Nemlich / das Kei. Ma. bey dem Trientischen Concilio / festiglich solt halten / vnd die Augspurgischen Confession verwandten / mit ernst dahin weisen / dasselb auch zu besuchen / dem aus zu warten / vnd sich desselben determination vñ erkentnis zu vnterwerffen / zc.

So würd alsdenn Kei. Maie. leichtlich zu sagen haben / das sie wider die Religion / vnd Gottes Wort / keinen krieg fürneme / sondern zu vertilgung im Concilio erklerter Bezereien / theten auch die Execution aus gehorsam Als der Aduocat der Römischen Kirchen / welcher sie mit eyden vnd pflichten / dazu verbunden / vnd handlete derhalben wider vorberürte ire zusage vnd vertröstung nicht / denn verdampfte Bezerey were nicht Gottes Wort / noch die ware Religion.

Das auch alle die rüstungen / dahin gemeint sein / die Augspurgischen Confession verwandten / dahin zu schrecken vnd zu dringen / des Concilij halben / solchs zu bewilligen / wie die Bepstliche Stende Kei. Maie. vorberürte / jr bedeneken angezeigt / weiset auch gnugsam aus / Kei. Mai. Vice Canzlers / des von Naues rede / so er an einem ort / vnter anderm gethan / Nemlich / man hette conspiriert in das Concilium / oder was auff jzigem Reichstage zu Regenspurg geschlossen würde / nicht zu willigen / das kündte Kei. Maie. nicht leiden zc. Darumb leichtlich abzunemen / das es vmb das Trientische Bepstliche Concilium / vnd vmb die ware Religion zu thun ist.

Vnd zu weiter bestetigung vnd confirmation dieses / erscheinet es auch hieraus klerer / das sich aus warhafftigen zeitungen vnd kundschafften befindet / wie das der

Bapst in Welschlanden öffentlich wider die Lutherischen zu ziehen / hab vmbgeschlahen lassen / vnd grossen Abblas darzu verheissen.

Vnd wiewol der Bapst mit solcher practiken vnd sarnemen/lang vmbgangen/vnd gewolt/ Kei. Ma. solt in Deuschlanden in gleichnis wider die Lutherischen/ öffentlich vmbzuschlahen verordnen/ so würde ire Ma. ein gros volck zuwegen bringen / dieweil es der Bapst dafür hiele / der mehrer teil der Deutschen / hieng der Augspurgischen Confession / oder wie es genant wil werden/der Lutherischen Lehr noch nicht an / So hett doch Kei. Ma. das vmbgeschlahen dermassen etliche zeit her nicht thun / noch die vrsachen des Kriegs darauff wollen verlauten lassen/ Sondern dahin/ wie jzt besunden wird/ das solcher Krieg wider etliche vngehorsamen solt fûrgenomen werden.

Aber vnlangst sein schrifte aus Italien komen/darinn angezeigt/ das auff den 21. Julij nechst verschiene/ dieser Krieg zu Rom in Ke. Ma. vnd des Bapsts namen/ wider die protestierende Lutherische Stende/ öffentlich sey ausgeruffen worden.

So sol man auch zu Meiland/Deuschland zu preis ausgeruffen haben.

Es sollen sich auch etlich Hispanier/so etwas Deusch gelernt / zu Regenspurg mehrmals haben hören lassen/ Was vber vier jar/ vnd mit der Lutherischen Lehr vergiffret were/mûste alles sterben zc.

Auch hat sich Kön. Ma. jzt zu Regenspurg / vnter andern vrsachen Ke. Maie. expedition / dieses vernemen lassen / als schmecht man des Bapsts Concilium / das were nicht zu leiden.

Ein ander herr dem König verwand / hab sich / da man dieses Kriegs gedacht/ hören lassen / Er künd nicht wissen/was der Deutschen Glaub besser were/ denn der Türcken. So

So ist auch nicht heimlich / dieweil die Stadt Kas
uensberg / das heilig Gottes wort / vnd die Augspurgi
sche Confession angenommen / das ein Keiserlich Mandat
an sie gefertigt gewest / darinnen in hett sollen geboten
worden sein / von berürter Religion / inwendig wenigen
tagen / widerumb abzustehen / vnd wo sie nicht parier
ten / wolt man sie preis gegeben haben. Aber man hat
das Mandat auff der Post / vom Boten oder Heerholte
wider fordern lassen / auff das damit kein anzeigung ges
macht würde / als solt vnser Krieg dieser waren Religion
gelten.

Dieweil auch der Papst / durch ein Tyrannisch er
kenntnis / den ehrlichen fromen Churfürsten vnd Erzbi
schoff zu Cöln / von wegen seiner fürgenommenen Refor
mation / in der Religion seins Erzbistumbs / standes vñ
würden verteilt / vnd durch Ke. M. nicht weniger / wider
S. L. erkant / vnd gedrawet / So ist daraus auch leicht
lich zuuersehen / das allein die Religion / die vrsach dies
ses fürhabenden Kriegs ist / denn es sol in solch Erzbi
schoffthumb / der Bischoff vñ Cardinal von Augspurg /
als dieses Krieges vnd fürnemens / ein sonderlicher forde
rer / wollen gesetzt / vnd eingedrungen werden.

So wird auch weiter gleublich angezeigt / vnd auff
dem gegenteil von den dingen also gered / Wenn Sach
sen vnd Hessen erlegt / das alsdenn etlich tausent in eine
gwarden / im Reich Deudscher Nation / solten verordent
werden / die ider zeit / auff Ke. Ma. befehl exequiren / vnd
ihrer Ma. gescheffte der Religion halben / handhaben sol
ten / Daraus auch wol abzunemen / was für sachen / vnd
war auff solche execution gemeint.

Was auch der Erzbischoff zu Tolet sonderlich / vnd
denn / die gemeine geistligkeit / aus Hispanien / zu diesem
fürhaben vnd zuge / für eine grosse summa geldes sollen
erlegt haben / dauon thun die kundschafften auch anzei
gung /

gung/Welchs sie on zweinel wol lieffen / wo es vmb etz
licher Chur oder Fürsten welchlichen vngheorsam / im
Reich Deudscher Nacion / vnd nicht der Religion hal
ben zu thun were.

Derhalben ist es ein offentlicher / gefelicher pretext
vnd deckel/so man dieser Rei.rüstung / vnd gewaltigen
fürnemen zugeben vermeint / als solt sie der Religion
halben nicht beschehen / Sondern alleine etliche vnges
horsame Fürsten zu straffen.

So ist auch der geschwinde abschied noch wol wiss
sentlich/so auff nechstem Reichstage zu Augspurg/ vns
vnd andern vnsern Augspurgische Confession verwand
ten / daselbst geben ward/ Nemlich/das Kei.Ma. diese
Secte vnd Lutherische Lere / nicht gedechte zu leiden/
wolt auch zu ausrottung derselben/ sampt dem Bepstli
schen anhangen/ire Königreich/Land vnd Leut/ gut vñ
blut nicht sparen/ze.

Würden wir / das Gott nicht wolle / mit vnsern
Landen vnd Leuten verdrückt / vnd hingezogen / So
würde sich bald befinden / ob man der Religion vnd
Christlichen Predicanten / auch des armen Christlichen
Volcks / so gemelter Christlichen Religion verwandt/
in vnsern Landen verschonen würde.

Vnd ob man nicht vil mehr die Bepstliche Pfaffen/
Münch vnd Nonnen/ wider einsetzen / die Predicanten
der reinen Christlichen lehr jemerlich erwürgen/ vnd ire
weiber vnd töchter erbermlich schenden / inen auch ire
verordente vnterhaltung nemen lassen würde / das sie
doch in vnsern Landen nicht bleiben / noch sich darinn
enthalten kündten / Das solt aber gleichwol der Reli
gion halben/keinen krieg fürgenomen heissen.

Es ist droben vermeldet/das Kei. Mai. nicht gezie
met/ einigen Fürsten im Reich zu vberziehen oder zu bes
kriegen / er sey denn zuuor beschuldigt vnd gehört / vnd
rechtlich

rechtelich gegen im verfahren vnd erkant. Vnd das sich ire
Ma. hierzu/vber vernehmung der Rechte/vermittelst irem
leiblichen eyde/ vnd briuen vnd siegeln verpflichtet.

Damit aber meniglicher wisse/ was in deme berürte
Franckfurdische Keiserliche obligation/ vnter andern
vermag/ vnd in sich begreiffet/ So haben wir vnser
notturfft zu sein/ bedacht/ die folgenden zween Artis
ckel/ alhier daraus mit ein zuuerleiben lassen/ Nemo
lichen.

Sol noch wil Kei. Ma. die Churfürsten/ Fürsten
vnd Stend des Reichs/ nicht vergewaltigen/ sol
ches auch nicht schaffen/ noch andern zu thun ver
hengen/ Sondern wo ire Maie. zu jemandis/ zu sprechen
hett/ sol es ire Maie. zu verhör/ vnd gebürlichen Rech
ten stellen vnd komen lassen zc.

Sol auch zum andern/ ire Maie. vorkomen/ vnd
keines wegcs gestatten/ das jemandis hohes oder
nidern stands/ on ursach oder vnuerhort/ in die
Acht oder Oberacht/ gethan werde/ Sondern in sol
chem/ ordentlicher process/ vnd des Reichs auffgerichte
Sazungen/ gehalten werden.

Zu deme/ das sich ire Maie. in berürter geschwornen
obligation/ ferner verpflichtet/ kein auswertig oder
frembd kriegsvolck/ in Deutsche Nation/ wie jzt fürge
nomen/ zufüren/ sich auch keiner Erbschafft/ noch suc
cession des Römischen Reichs/ anzumassen zc.

Hett vns auch ire Maie. einigs vngehorsams/ wie
offt berürt/ zu beschuldigen gewust/ So hette irer Mai.
berürter obligation/ auch andern Kei. Constitution/ vñ
den Rechten nach/ gebürt gegen vns rechtlich zu han
deln/ vnd zu verfahren.

Vnd hiewider mag irer Maie. Keiserlicher vollkom
ner gewalt/ hocheit/ eigne bewegnis oder Rechte wiss
sen/ in solchem nicht enthebung thun/ dieweil ire Maie.
C der

der Keins/wider ire gewilligte Contrect/Pacta vnd geschworne eide/zu gebrauchen haben.

Es kan auch ein jeder gedenccken/das vns/wie auch/einem andern bey Kei. Ma. durch verschwiegene warheit/vnd sürgerwandte vnwarheit/leichtlich kan ungeshorsam auffgedichtet werden/der sich aber in der that also nicht erheldet/Vnd wenn gleich das factum erweis set künd werden/das es doch darumb zu recht/vnd in Jure kein strefflicher ungehorsam were/noch dafür gehalten künd werden. Solt nu ein Römischer Keiser/in liquidirter sachen/einen gewaltigen Zeuptkrieg/gegen einem oder mehr Churfürsten/vnd Fürsten des Reichs/drumb fürnemen mügen/so wolte das Reich nicht lang bestehen/noch in esse bleiben können.

Wir sagen aber/wer vns bey Kei. Maie. auffgelegt hat/das wir in einigem stück/gegen irer Maie. vnser lebenlang strefflich gehandelt/der hat vns wider Gott/ehr vnd Recht/bey irer Maie. felschlich angedichtet.

So haben wir auch Kei. Maie. alwege/vnd sonder rhum/vor etlichen andern Stenden/die sich doch die gehorsamen nennen/gethan/vnd geleistet/als mit Türckenstewrn/vnd andern hülffen/vnd bürden/was derhalbten auff Reichstegen vn sonst/bedacht vnd beschlossen ist worden.

Das wir aber irer Maie. willen/was Gott vnd sein heiligs Wort/vnd vnser ware/Christliche Religion/vnd derselbigen schuldige erweiterung/auch die liberteten/vnd freihaiten des heiligen Reichs anlangt/vnd solchem allen anhengig ist/nicht haben thun können/Darzu hat vns der beschl des HERN gedrungen/das ein Christ Gott geben sol/was Gottes ist/vnd Gott darinn mehr gehorchen/denn einigem menschen/Vnd vmb des Vaterlands freihait willen/vnuerzagt/genesen oder sterben.

Denn das solch fürnemen vnd rüstungen / nicht allein die Religion / sondern auch der Deudschen Nation freiheit / Liberteten vnd gerechtigkeiten / wo es dahin gelangen solt / nach sich ziehen würden / verstehen viel ehrlicher leute sehr wol.

So sein auch wir / der Churfürst zu Sachsen / umb allen misuerstand / mit Keiserlicher vnd Kön. Maiest. auff nechstem Reichstage zu Speier / Anno xliij. lauts auffgerichter brieff vnd siegel / vnd irer Maie. ratification/genglich vertragen worden.

Als vnter anderem belangende die wahl / so Kön. Maiestet haben / zu Cöln / ausserhalb vnser lieben herrn vnd Vaters seligen / zu vermindering vnd verkleinerung seiner liebe / Churgerechtigkeit beschehen / vnd zuuor zu Augspurg / ausserhalb seiner liebe / wissens vnd beyseins / als eins mit Churfürsten abgehandelt worden.

Vnd wer vns aufflegt / das vnser herr Vater seliger / oder wir / Kön. Maiest. nach irer Cronen getracht / der beschwert vns damit auch on allen grund / Denn das S. L. vnd wir / vns berürter verachtung vnd Contemptus haben / rechtmessig wider solche wahl opponiert / das sind wir in allen Rechten vnd der gülden Bullen wol befugt / Ist auch des Hauses zu Sachsen hohe vnd vnuermeydliche nothdurfft gewesen / vnd nicht minder des heiligen Reichs.

Ferner / was auch das Closter Doberlug / vnd etliche Dörffer / welche vnserm Closter Grünhain zugestanden / Vnd Kön. Mai. vns zuuor hat einnemen lassen / bescreffen thut / ist sampt etlichen mehr Artickeln / wie aus den Abgedruckten hierbey befindlichen Copeien / klar zu sehen / auch vertragen.

Welche Vertrege vnd Briue / auch weiter vermeldeten / von einem heyrat / zwischen vnserm Eldtern So
C ij ne/vnd

ne/ vnd Königlicher Maie. Tochter / Frewlin Eleonora
ren/ doch on vnser muetthen / daselbs zu Speier auffge-
richtet.

Sett nu Kei. Maie. einige vngnad / oder strefflichen
vngheorsam / gegen vns zu haben vermeint / So würde
on zweiuell jre Maie. zu solchem heyrat / keine förderung
gethan / noch drauff handeln lassen / oder denselben mit
ratificiert haben.

Ist es aber darumb beschehen / dieweil diese einige
Condition dabey angehengt / Nemlich / so ferne in der
Religion ein vergleichung zuuor beschehe / das man ver-
meint hatt / vns damit zu bewegen / in ein Bepstlich Con-
cilium zu willigen / vnd vnser ware Religion / desselben
determination zu vnterwerffen / So were daraus auch
leicht zu verstehen / wo man vns damit der Religion
halben / hette wanckend machen mügen / das wir wol
einen gnedigsten Keiser gehabt hetten.

Denn derselbten vnser waren Religion halben / ward
der heyrat / so zwischen Keiser. Maie. Schwester / vnd
vns / per verba de presenti / beschlossen / verbriffet vnd
versiegelt war / auch vmbgestossen / das Keiser. Maie.
Gesandter der Hannart / vnuerholen sagte / man were
Begern Glauben zu halten nicht schuldig zc.

Vnd vber vorberürte / negest zu Speier auffgerichte
vertrege / hat Kei. Ma. jre fürnemeste Rethen / Nemlich /
den herrn von Granuelh / vnd Vice Canzler den von
Naues / als wir auff jrer Maie. erleubnis / haben da dan-
nen von Speier wider abreisen wollen / zu vns in vnser
herberg geschickt / Vnd diese gnedige anzeigung vnter
andern vns thun lassen.

Nemlich / das wir vns zu jrer Keiser. Maie. alles
gnedigen willens solten versehen / Das auch jre Ke. Ma.
vns / vnser Sone / Land vnd Leute / wie jrer Ma. selbst /
in gnedigem schutz vnd schirm haben wolten zc. Wel-
ches

ches neben vns / vnserer Reth / vnd lieben getrewen / Gregorius Brück / der Rechten Doctor / vnd Magister Franciscus Burckhart / vnser alter Canzler / mit angehort / vnd darbey gewest sein / Solten wir nu sint der zeit / solche grosse vnd ernste vngnad / bey Keiser. Maie. verwircket haben / So wüsten wir vns hie viel weniger einiger vrsachen / damit wir es verschüldet / zu erinnern.

Darumb ist es / wie leichtlich abzunemen / allan vmb die Religion / vnd des Papsts Concilium zu Trient / das wir vnd vnser verwandten / Got vnd sein ewiges wort / dem Papst nicht wissen zu vnterwerffen / Auch vmb das Vaterland Deudscher Nation zu thun.

Zweiueln auch gar nicht / so wir beide / Vnd auch vnserer mituerwandten in berürt Cnncilium gewilligt / vnd demselben vnserer Religion zu vnterwerffen gewust / So würden alle sachen vnser halben / wol recht gestanden / vnd wir dieser beschwerung / oder auch vorberürter aufflagen / gantzlich vberig gewest sein.

Kei. Maie. solt sich billich eins gnedigern hierinn besonnen / vnd sich dahin nicht haben bewegen lassen / das Churfürstliche Haus zu Sachssen also mit gewalt vnd that / on alle Götliche / oder Rechtmessige vrsachen / zu verderben vnd zu vergewaltigen.

Denn ire Maie. wissen sich wol zu erinnern / wie vnser / des Churfürsten Vetter / Herzog Friderich Churfürst zu Sachssen / seliger / irer Maie. zu dieser irer Keiser. hoheit gedienet / vnd sich der ehren selbst verziegen / vnd ire Maie. dazu befördert / Wir wollen andere dienste vñ gutthaten / so die Churfürsten zu Sachssen / auch Landgrauen zu Hessen / dem Haus Osterreich erzeiget / geschweigen.

Man wil sagen / Keiser. Maie. solle auch des Bischoffschumbs Neunburg halben / wider vns den Churfürsten / zu irem fürnemen vrsach zu haben bewegt sein

worden / Als hetten wir vns desselben / dem Reich / zu
abbruch vnterzogen / des wir doch öffentlich vnschuldig
sein / denn wir haben vns / weder guts noch gülden dran /
viel weniger desselben Bischoffthumb / dem Reich zu
abbruch vnterwunden.

Vnd wiewol wir Julius Pflugen / vermeinten er-
welten / aus vielen Göttlichen vnd rechtmessigen vrsas-
chen / des orts für einen Bischoff / in vnsern Landen zu-
zulassen / vns beschwert / Wie wir die zum teil in vnsern
offenen gegenschriften / wider seine diffamation schriff-
ten klar an tag gegeben / So ist doch solches ein part-
sache / vnd nicht Keiserlicher Maie. vnd des Reichs
sache.

Darzu haben wir auch in gemelten vnsern gegen-
schriften / mehr denn ein mal / öffentlich protestiert /
das wir Kei. Ma. vnd dem heiligen Reich / an derselben
gerechtigkeiten / keinen abbruch wolten thun / wie wir
denn auch nicht gethan haben.

So haben wir vns auch / vmb vnser sachen vnd ge-
rechtigkeiten / vnd warumb wir Pflugen / vor einen Bis-
choff zur Neunburg / als des Stiffts Lands vnd Erbs-
schutzfürst / zuzulassen nicht schuldig / gegen jm zu Rechte
vor Kei. Maie. vnpartei. Commissarien / so die ver-
ordent würden / erboten / Vnd haben darumb Recht / ge-
ben vnd nemen wollen.

Zierumb / so hetten wir auch billich / vermüge aller
Rechte / vnd Reichs Ordnungen / bey Recht gelassen /
sollen werden / wie einem jeden wenigern Standes / auch
in viel vnwichtigern sachen verstattet wird.

Hett sich Pflug jemals lassen vernemen / das er vns
vnser gerechtigkeiten am Stiffte / des Reichs gerechtig-
keiten vnuergreifflich wolt lassen / wie vnser voreltern /
vnd wir / die herbracht / Das er auch die vntertha-
nen gemelts Stiffts / als vnser Landessen / vnd Erbs-
schutz

schutz verwandten vnser Religion halben/vnbeschwers/
so wolten wir vns auch gewust haben zuuernemen lass
sen.

Zu deme / so weis die Keiser. Maieft. das wir mehr
genants Pflugs/ parteilichen ausgebrachten Mandats
halben / irer Keiser. Maie. gen Regenspurg / innerhalb
den darinn bestimpten/ fünffzehen tagen / geschrieben/
Lauts der Copeien/ So wir hierbey auch haben abdrus
cken lassen.

Darauff hat vns aber Keiser. Maie. on antwort ge
lassen/ vnd irer Maie. Vice Cantzler/ der von Naues/ ein
schriffelin/ vnserm Edlen Knaben/ an vorgenanten/ vns
sern Rath / Magister Franzen Burcharten / gegeben
des inhalts/ das sich Kei. M. in die cura gelegt/ darumb
irer Ma. die zeit noch nicht kundten brieff vorgetragen
werden zc.

Vnd ob sich wol Kei. Ma. gegen vnserm Rath vnd
diener Erasinusen von Minckwitz / Doctor / auff sein
weiter vnterthenigs anregen / vmb antwort / berürter
schriffte halben/ hat vernemen lassen / das sich ire Maie.
darauff resoluiern/ vñ alsdenn antwort geben wolt zc.
So stehen wir doch derselben / bis auff heutigen tag
auch noch in mangel/ Darumb wir vns gegen irer Mai.
berürter sachen halben / nicht weiter haben können ver
nemen lassen/ aber wie hieraus leichtlich abzunemen / so
ist das Mandat/ bisher/ in suspensio blieben.

Diweil denn auch die Peenen / desselben vermeint
ten/ zu recht nichtigen Mandats auff verlust / vnser
Erbschutzes / an gemeltem Stifft / vnd auff hundert
Marck lötigs goldes gesetzt / So kan ja diese sache kein
vrsach sein eins gewaltigen vberzugs oder Kriegs / wis
der vns/ vnd vnser Land vnd Leut / darumb fürzuneh
men.

Zu dem/ das sich auch gebürt hett/ so man vermainen
wolt/

wolt/wir weren in berürte Peenen gefallen / das zuvor
ein rechtliche declaration ergangen/ vnd wir / wie recht
derwegen citiert worden weren.

So sind zwischen Keiser. Ma. vnd vns / dem Land
grauen zu Hessen/ auch allerley sachen halben / auff dem
Reichstage zu Regenspurg/ Anno 2c. 41. Vertrage auff
gericht/ vnd dieselben hingelegt worden / Als nemlich/
das wir verschieder jare / einen zug / wider etliche Bi
schoue zu thun / in fürnemem gewesen / vnd vnsern lieben
Vettern vnd Gevattern / Herzog Ulrichen zu Wirtens
berg / zur recuperation seiner Liebe Landes geholffen/
So ist auch eine solche gemeine Clausel/ in gemelten aus
gerichten Vertragen verleibet/nemlich/ das alle die ding
die wir/ wider jre Maieft. oder die beschriebene Recht/
oder Keiser. Constitution / heimlich oder öffentlich sol
ten gethan haben/ vns verziehen vnd vergeben sein sol
ten/wie wir solchen vertrag /samt Kön. Maieft. ratifica
tion/ im Original wissen fürzulegen / Darumb wir/
Got lob/ auch nichts wissen/derwegen Keiserliche Ma.
zu vngnaden wider vns ursach möcht haben.

Zu dem haben wir auch bey jrer Maie. keine vngnad
spüren können/als wir nechst bey jrer Maieft. zu Speier/
jrer Maie. reisen nach Regenspurg gewesen / denn sich jre
Maieft. mit gestalt vnd worten/nicht anders denn gnes
diglich/gegen vns hat vermercken lassen / Darumb wir
vns warlich solchs geschwinden fürnemens / von jrer
Keiser. Maie. vnsernthalben / auch nicht zu vermuthen
gewust.

Wie auch wir/vns in jrer Kei. Maie. Kriegsübung/
die sie wider Göllich geführt / inhalt des Regenspurgische
vertrags/neutral gehalten/ist offenbar.

Wie auch Kei. Maie. alle vngnad gegen meniglich
hat fallen lassen/so Göllich hülfte gethan oder gedienet/
das giebt auch ein Artickel des vertrags klar / zwischen
Kei.

Keiser. Maieft. vnd Glich vor Jenlo auffgericht.

Wolt vns beiden auch hierumb vngheorsam zugemessen werden / das wir diesen Reichstag zu Regenspurg persönlich nicht besucht / So haben wir der Churfürst zu Sachsen / Kei. Maieft / durch vnser gesandten / vnser entschuldigung vntertheniglich lassen anzeigen / darüber vns auch jre Maieft. weiter nichts geschrieben / noch derwegen angelangt.

So haben wir der Landgraff Keis. Maie. jüngest zu Speier nach der leng vielerley vrsachen angezeigt / warumb vns vngelegen vnd beschwerlich / auff gedachten Reichstag eigener person zu komen / vnd sonderlich / dieweil so grosse gewerb vnd rüstungen / vmb Reuter vnd Knecht vmb vns her vorhanden / vnd hat vns Graff Reinhart von Soloms vnter andern mündlich angezeigt / vnd des seine handschrifft zugestelt / er hette sich mit dem von Taves vnterredt / wenn wir zu Keiser. Maie. vnter jrer reise zum Reichstage komen / solten wir gern zugelassen werden / auch angenehm / vnd ein gutswerck sein / dieweil wir auch villeicht nicht bald auff den Reichstag komen kündten / so kündten wir vns alsdenn mit Kei. Ma. vnterreden / vnd entschuldigen.

Darauff wir gen Speier gezogen / vnd mit jrer Ma. solche vnterredt gehabt / das wir gemeint / jre Maieft. würde darnach mit vns zu frieden sein / Ob wir gleich gen Regenspurg nicht zögen.

Solt es auch diese meinung haben / wenn ein Churfürst oder Fürst seiner vngelegenheit halben nicht künd eigener person zum Reichstage komen / das er darumb solt vberzogen werden / so seien warlich viel Churfürsten vnd Fürsten / die jzt vnd auch hiebevor nicht auff Reichstegen erschienen / das were ein beschwerlich ding / noch im Reich also herkomen.

Es mügen auch vns beiden / die handlungen / die wir
D gegen

gegen Herzog Heinrichen von Braunschweig / aus vnser
vermeidlicher not / zu vnser selbst / vnd vnser Land vnd
Leute / Auch der Stedte Gosslar / vnd Braunschweig
rettung / sampt vnsern defension verwandten / fůrgenomen /
vor keinen strefflichen vngheorsam zugemessen
werden.

Denn zu dem / das einem jeden / vnd seinen verwand-
ten sein rettung zugelassen / So haben gemelte Stedte /
auch wir / vnd vnser mitverwandten offte genug / auff
Reichstegen vnd sonst geruffen / geflehet / vñ angesucht /
genants von Braunschweig / freuenliche vnd Landfried-
brůchige handlungen / abzuschaffen / Aber es ist nicht
mehr darzu gethan worden / denn das Brieffe erlangt /
Wie aber dennoch vnd welcher gestalt / solche Brieffe /
gegen Herzog Heinrichen / durch die Kōn. Maieft. zum
teil verglůmpfft sein worden / vnd das sie auff vnser / die-
ses teils / Stende / emsiges ansuchen gegeben / vnd doch
des Kōnigs meinung nicht were / das jm einiger nach-
teil daraus erfolgen solte / solchs thut klar anzeigen ein
brieff / so gemelte Kō. Maie. an jm gethan / vnd zu Wolf-
senbůttel mit des Kōnigs hand vnterzeichnet / gefun-
den worden / der zu seiner zeit / auch kan fůrgelegt werde.

Were aber ein solcher ernst gegen genantem von
Braunschweig fůrgenomen worden / wie die Keiserliche
Maie. gegen vns / als vnschůldigen / fůrnimpt / so het es
gemelter Stedte / auch vnser selbst rettung nicht bes-
durfft / Dieweil aber seine Landfriedbrůchige handlung-
gen / wider die Euangelischē getrieben / so hat man deste
lieber durch die finger gesehen.

So weis auch Keiser. Maie. das wir jr das Land zu
Braunschweig / auff ein abgeredte / vnd beschlossene Ca-
pitulation / Sequesters weise / abzutreten / vnd mit Her-
zog Heinrichen von Braunschweig / vor irer Maie. des
putirten Commissarien / vns / ymb die zuvor beschehene
defension /

defension/ins Recht einzulassen verpflichtet / ob wir es wol nicht schuldig gewest.

Hetz nu genanter von Braunschweig solch Recht/ mit vns annemen dürffen/ vnd sich nicht wider Kei. M. Sequestration/ auch schwere Penal mandat/ von newem vnterstanden/ thetlich zusetzen / vnd wir weren auff vnserm teil/ des Rechten verlüstigt worden / hetten auch den vrteiln nicht volge thun wollen / Alsdenn hat Kei. Maie. zu einer Execution solcher sachen halben / vrsach haben können/ Jzt aber/ vnd der gestalt/ gar nicht.

Damit auch ein jeder sehe / warauff die Keiser. Capitulation gestanden / so ist neben den andern Copeien/ dieselbe hierbey auch abgedruckt.

Hierzu so hat auch Kei. Maie. sieder Herzog Heinrichs/ vnd seines Sons / erlegung vnd gefengnis / bey vns/ den Stenden/ nie nichts gesucht/ darumb vns auch ire Maie. keinen vngheorsam/ den wir irer Maie. hierinn geleist/ mit billigkeit zumessen mag.

Das man vns auch sol aufflegen wollen/ wir theten das Recht im Reich verhindern / daran geschicht vns beiden auch öffentlich vnrecht / Denn dieweil wir vnd all vnser Einungs verwandten / der parteischen / vnd Vlootri verdecktigen besetzung / die an Keiser. Maie. Cammergericht/ etliche jar her / Cammerrichters vnd beysitzer person halben beschehen / beschwert gewest/ nach dem man vnser vnd vnserer Religion ergste feinde vnd widerwertigen/ daran gesetzt/ die sich auch angemast/ in Religion sachen wider vns vnd sie / vnd wider die Nürenbergische vnd Franckfurdische Keiserliche stillstende/ zu procediren vnd zu erkennen. Zu dem / das man auch in prophan sachen keine Justitz / auff vnserm teil/ bey jnen befunden/ So sein wir zu lezt sampelich vñ vnuermeidlich gedrungen / dieselben personen / damit das Cammergericht also parteisch vnd verdecktig bes

setzt gewest/aus zulassung Göttlicher/natürlicher/vnd
aller beschriebenen Recht/ in rechtlicher weis vnd form
zu recusirn. Haben vns auch zu rechtmessiger ausfü-
rung derselben erboten.

Das wir vns nu/zu sampt berürten vnsern verwand-
ten/wider solche vnchristliche vnd vngöttliche handlung-
gen/ auch parteische vnd ganz verdecktliche besetzung/
berürts mittels/ der Recht gebraucht/ das kan vns ja
auch vor keinen strefflichen vnghehorsam/ gedeut wer-
den.

So giebt auch der nechste Speirische Reichs Ab-
schied klar/wie gemelt Cammergericht gleichmessig vnd
vnparteiisch/hinfurt solt besetzt werden. Das es aber nit
beschehen/darinn ist die schuld vnser/ vnd vnser mituer-
wandten nicht. Bei. Maie. weis auch selbst wol/ das
sich niemands/denn die vermeinten gerümpften/ gehor-
samen Stende/auch nechstem Reichstage zu Wurmbz/
wider solche irer Maie.zu Speier verabschiedete/gleich-
messige vnd vnparteiische besetzung gespert. Allein dar-
umb/ da sie vnserer dieses teils widerpart/ das sie auch
vnserer Richter sein wolten.

Ferner hören wir/das dis gegen vns/auch ein vrsach
eins vnghehorsams sein sol/ Nemlich/ das wir etliche
Grauen vnd Herrn/an oder vnter vns ziehen wolten zc.
Nu ist solchs befremdblich zuuernemen/das man gegen
vns/hierumb einen vnghehorsam schepffen wil/So doch
offentlich vnd wissentlich ist/ vnd befindet sich aus des
Reichs Abschieden vnd handelbüchern/ Das vber x. xx.
xxx. pl. vnd mehr jar/ nicht allein vnser Vorfarn vnd
wir/ sondern auch viel Churfürsten/ vnd Fürsten irer
Lande/Grauen vnd Herrn/an sich/ vnd an iren Land-
schafften gezogen/ vnd heutigs tages ziehen/die vnter
inen vnd in iren Landen gefessen/vnd nicht allein berür-
te Grauen vñ Herrn/sondern auch irer Land Bischoffe.
Vnd

Vnd sonderlich / so giebt ein Abschied / der bey Keiser Maximilianus seligen zeiten / Etwa vor sechs oder sieben vnd dreissig jaren zu Augspurg / der Bischoue / Grauen vnd Herrn / ausziehung halben gemacht / das Keiser Maximilian in einem jar / hierumb entschuldigung hat thun wollen / Es ist aber verblieben vnd angestanden / bis auff die nechsten Reichstege / zu Speier vnd Wurms / alda ist von vergleichung der anschlege / vnd wie des ausziehens halben / die ding zu rechtlicher erörterung solten komen / geredt vnd gehandelt / Das nu denselben bisher nicht nachgegangen ist worden oder wirdet / des mag oder kan vns / die schult nicht zugemessen werden / solchs müssen alle Stende des Reichs selbst sagen vnd bekennen.

Darumb dis vnd anders / was man vns mehr mag zu vngehorsam / deuten wollen / nur erdichte / vnd Keiserl. Maie. von vnsern widerwertigen fürgebildete vrsachen / on allen grund vnd bestand der warheit / sein.

Aber wiedem allen / So hat Keiser. Maie. von wegen obberürter irer Franckfurdischen obligation / vnd des Reichs Landfrieden / vñ anderer Constitution nicht gebürt / vnser vngehort / vnd aussserhalb rechtlicher erkenntnis / diesen gewalt gegen vns / vnd vnser mituervandten fürzunehmen / Darumb auch ire Maie. sonder verkleinerung zu reden / nicht ire Keiserliche authoritet vnd Anpt / Sondern das / so irer Maie. als einem Röm. Keiser nicht geziemet / fürgenommen.

Darumb / so wird auch vns / vnd vnser verwandten / vnser verhofflichen vnd vnuermeidlichen defens / oder resistenz halben / hinwider niemands verdenccken mügen.

Derhalben auch / ob wol ein Römischer Keiser / in der Erbeinung / der Heuser / Sachsen / Brandenburg / vnd Hessen / ausgenommen / So ist es doch zuuernemen /

D ij da ein

da ein Keiser seiner authoritet / obentlich vnd nicht ge-
waltebar / gebraucht. Derwegen Marggraff Albrecht
ten / vnd Marggraff Hansen von Brandenburg / geuet-
tern wol gebüren wil / dieweil sie sich wider vns zuge-
brauchen / haben bestellen lassen / irer Eyde / damit sie / ge-
gen vns auff die Erbeinung der Heuser Sachsen / Bran-
denburg vnd Hessen / verpflichtet / gewahr zunemen / des-
ren wir sie auch hiemit wollen erinnert haben / vnd nicht
weniger auch etliche / die vns mit Lehenspflichten ver-
wandt / vnd sich gleichwol zu inen / iren pflichten entge-
gen / wider vns zu dienste begeben.

Vnd enthebt sie nicht / ob sie sagen wolten / Kei. Ma.
gedencke mit irem fürhaben / etliche ungehorsame Für-
sten zu straffen zc. Denn ire liebden vnd sie wissen wol /
das wir / Gott lob / keins strefflichen ungehorsams / wie
recht vberwunden.

Setten vns auch Kei. Maie. vmb begangenen unges-
horsam / wie sich gebürt beschuldigt / vnd wir hetten
vns darauff nicht wissen noch können verantworten /
So hett es des hefftigen practicierns / ein trennung vns-
ter vns / vnd vnsern mituerwandten zu machen / als be-
langete Kei. M. fürhaben / nicht die Religion / gar nicht
bedurfft / denn die trennung / würde sich an sich selbst als
denn / wol befunden haben.

So hat sich auch Kei. Ma. negst zu Speier / gnedig-
lich verpflichtet / als wir neben andern Stenden des
Reichs / irer Maie. ein hülff wider Franckreich gewillig-
get / das sie nach derselben expedition eigener person / wi-
der den Türcken in Vngern ziehen wolt.

Au aber / wie alle kundtschafften lauten / ziehen et-
liche Türckische Waschen / auff Vngern / vnd auff Cras-
baten / mit grossen volck / als in lxxx. M. starck / on was
von Türcken zuvor / in Vngern / Ofen vnd Pest zc. sein /
Aber des / vmb was Christlichs bluts / der ende / wie zu
besorgen

besorgen durch die Türcken/wird vergossen werden/vn
geachtet/so wil man/ das das blutvergiessen/im Reich
Deudscher Nation/vorgehen/vnd die bekemmer der Göt
lichen warheit/ gantzlich (das Gott gnediglich wende)
ausgerott sollen werden.

Vnd verhoffen / dem allen nach / meniglich / hohes
vnd nidere standes/werde dieses gewalts/so vns begg-
net/mit vns ein freundlichs vnd getrewlichs/mitleid in
tragen. Sich auch wider vns/vnd vnserer Einungs ver-
wandten/in diesen gewaltbaren / vnbillichen handlung-
gen / zu verfolgungen vnd durchechtungen Göttlichs
worts vnd warheit / wie denn nicht vergebens in den
Niderlanden / mit grawsamer beschwerung vnd töd-
tung der armen Christen/der anfang gemacht/vnd dar-
nach die Deudsche Nation/in ein seruitut vnd dienstbar-
keit zu dringen angefangen/nicht bewegen lassen/Son-
dern vns beistehen/auch lieber bey vns/ vmb gebürliche
besoldung sein/vnd vns zuziehen / Denn vmb eins meh-
rern geldes oder anderer nutzbarkeit willen/ an dem ort
sein/da der Papsst vnd Römischer Antichrist / vnd sein
anhang/verhoffen ire Abgötterey/auch verfürische/vn-
christliche lehre vnd wandel / wider auffzurichten / ob
gleich das Vaterland drüber solt zu scheitern gehen/wie
denn eins dem andern gewislich volgen würde.

Vnd dieweil wir zu dieser vnser gegenwehr/ober vn-
sere vielfeltige fridsuchung genotdrenge / vnd von Kei-
Maie.keins ungehorsams / wie recht überwunden/ So
sind wir zu Gott dem Allmechtigen der zuversicht / Er
werde bey der warheit vnd gerechtigkeit / wider die vn-
warheit vnd vngerechtigkeit halten / streiten / sechten/
auch in seins heiligen Worts sachen / wider des Papssts
Abgötterey/selbst oberster Feltherr sein / vnd vns in die-
ser not vnd widerwertigkeit nicht verlassen.

Beuehlen

Benehlen jm auch hiemit die sachen / vnd beschehe
darinnen / sein Göttlicher gnediger wille / vnd wehr vnd
stewr dem volck / das krieg vnd blutdürstig ist / wider
vns vnd alle bekennner seiner Göttlichen warheit / Er-
halt vnd beschütz auch das Vaterland / bey seinen freihei-
ten / vnd lasse seine Göttliche glori / vor aller menschen
Ehr vnd Reputation herfür dringen vnd scheinen / wie
er auch sonder zweivel thun wird / Amen.

Gegeben / Donnerstag nach Margarete / den fünff-
zehenden tag des Monats Julij / Anno
Domini / M. D. lvi.

Volgen

Folgen die vortreg

vnd hendel / darauff sich der Churfürst zu Sachssen / in S. Churfürstlichen G. ausschreiben / so sie mit dem Landgrauen zu Hessen etc. samptlich thun / Referirt.

Zwissen / als sich zwischẽ dem aller durchleuchtigsten / grosmechtigsten Fürsten vnd Herrn / Herrn Ferdinanden / Römischen / zu Hungarn / vnd Behemen Königen / Infant in Hispanien / Erzherzogen zu Osterreich / Herzogen zu Burgundi / Steyr / Kernten / Crain vnd Wirtenberg etc. Grauen zu Habsburg / Flandern vnd Tirol zc. an einem / Vnd dem Durchleuchtigsten Hochgebornen Fürsten vnd Herrn / Herrn Johans Friderichen / des Heiligen Römischen Reichs Erzmarschal / vnd Churfürsten / Herzogen zu Sachssen / Landgrauen in Düringẽ / Marggrauen zu Meissen / vñ Burggrauen zu Magdeburg / anders teils / Hernach gemelter sachen halb / irthumb / spruch vnd forderungen zugetragen / Derhalben hie

E vor zu

vor zu Cadaw vnd Wien/ zwischen jrer Röm.
May. vnd Churfürstlichen gnaden allerley
vortrags handlungen / vnd abreden/ zu hin-
legung vnd vergleichung solcher irthumb/
sprüch vnd anforderungen / beschehen vnd
fürgenomen / Aber die selben zu keinem endli-
chen oder wircklichen beschlus komen / oder ge-
bracht worden sein / daneben so hat auch obge-
melter Churfürst von Sachsen / in obbe-
stimmten hievor gepflogē handlungen / ider zeit
vmb erlangung / der Röm. Kei. May. Confirma-
tion / vber den Göllichischen heiradts vor-
trag / angesucht / wie dann S. Churf. G. 1730
alhie bey gemelter Römischen Ka. May. glei-
cherweis vntertheniglich angesucht vnd gebe-
ten / Vnd damit aber nit solch langwirig ir-
thumb spruch / vnd anforderungen ein mal zu
entlichem austrag / erörterung vnd verglei-
chung gebracht werden mögen / Haben die Röm-
misch Keiserlich / auch Königlich Maiesteten /
Dergleichen benanter Churfürst / hernach ge-
melte ire geheimen vnd vertrauerten Rethen /
Nemlich die Keiserliche Maiestet / dem wolge-
bornen Herrn Niclasen Perenot / Herrn zu
Granuella / vñ die Königlich Maiestet / auch
den wolgebornen Herrn Hansen Hoffman /
Frey Herrn / zum Gruenpuelh vñ Strechau /
vnd der

vnd der Churfürst von Sachsen/ die hochge
larten Herrn Gregorien Brücken/ der Rech
ten Doctor / vnd Franciscen Burckhart / ver
ordent/ Welche verordente Kette/ sich der sa
chen/ vnd handlung/ gehorsamlich vnterfan
gen/ vnd auff sondern fürkerten vleis/ mit bei
der/ der Kai. vnd König. May. des gleichenn
des Churfürsten von Sachsen/ gnedigstem
vorwissen vnd bewilligung / solche / jrthumb
spruch vnd anforderungen / zu nachfolgender
entlicher vnd ewiger vorgleichung / abgehant
delt vnd beschloffen.

Nemlich fürs erst / als benandter Chur
fürst von Sachsen / von wegen der Röm
schen Königlichen Maiestat waal zu Röm
ischem Könige/ bisher beschwerung getragen/
wie das in hienor gepflognen Cadauischen
vnd Wienischen vortragshandlungen / vnd
abreden/nach lengs begriffen / vnd derhalben
von vnnöten / die selb ferrer hierin auszufü
ren/ Ist die vorgleichung dis Artickels halben
also gestalt / Das der Churfürst von Sach
sen / vnd seine Erben / der Römischen König
lichen Maiestat / nu fürthim wie andere Chur
fürsten des heiligen Römischen Reichs / alle
schuldige gehorsame leisten / vnd erzeigen / jr
Königliche Maiestet / für Römischen König
E ij Ehren/

Dieser
vortrag
ist keiner
dem Chur
fürsten zu
Sachsen
gehalten
worden.

Ehren / halten vnd erkennen / auch in der andern Churfürsten Decret / vber obgemelte jrer Königliche Maiestat waal zu Cöln beschehen / vnter seiner Churfürstlichen gnad Insigel / auch willigen solle vnd wölle / wie solchs ein Copey aus seiner Churfürstlichen gnaden Cangley / vnter seiner Churfürstlichen gnaden handzeichen / der Kön. Mai. zugestellt ist.

Da entgegen sollen die Römisch Kei. vnd Kön. Mai. den Churfürsten von Sachsen / vnd seine erben / mit gnugsamer Caution vnd vrkundt versichern / das bemelte waal sache seinen Churfürstlichen gnaden / derselben erben / vnd dem Churfürstlichen haus zu Sachsen / an der selben Churfürstlichen waal / Standt / Ehren / werden vnd hochheit / in alwege / vnvorletzlich / auch on allen nachteil vnd schaden sein solle / wie sich daß die Keiserliche vnd Königliche Maiesteten / dergleichen bemelter Churfürst solcher Caution vnd versicherung / jzo alhie vorgliechen haben / gegen welchen Cautionen vñ vorsicherungen der Churfürst den Cadauischen vnd Wienischen vortrag / auch andere vrkunden vnd schadelos brieff / so mitler zeit solchs jrthumb die waal sache belangend / dem Churfürsten gefertigt worden sein / widerumb zu der Kön. Mai. handen heraus geben solle.

ferner

Ferner als sich der Churfürst von Sachsen / des Klosters Dobriluge / in der Königliche Maiestet Fürstenthumb / Niederlausnitz gelegen / vnterzogen / vnd entgegen die Königliche Maiestet / etliche des Klosters Grünhain / Dörffere dem Churfürsten von Sachsen zugehörig / zu jrer Kon. May. handen einnehmen lassen / auch bemelter Churfürst / von wegen einer schuld / herrührend von weiland Keiser Maximilian / an die Königliche Maiestet forderung gehabt / Derhalben sollen jr Königliche Maiestet / vnd bemelter Churfürst / also vorglichen sein.

men lassen / solches ist auch bey zweien oder dreien Jaren eher beschehen / ehe dann der Churfürst dagegen / vnd aus andern fürgefallenen Ursachen / den Dobrilug hat einnehmen lassen.

Das benanter Churfürst / berüts Kloster Dobrilug / mit aller seiner zugehörung / vngewerlich auff Martini schirften / widerumb zu der Königliche Maiestet handen abtreten / auch die hewerichen frucht vnd nützung / was von den selben / bis auff solche zeit vber des Klosters notürfftige vnterhaltunge / vberig bleiben wirdet / bey bemeltem Kloster bleiben lassen solle / damit dieselbē frucht vnd nützung zukünfftiger des Klosters vnderhaltung verwendt vnd gebraucht werden mögen.

vnd doch die handlungen diesem vertrag / in vielen puncten zu wider vnd vngemes

Hieraus be
find sich /
das König
Ferdinand
dem Churfürsten zu
Sachsen
ein anzal
des Klo
sters Grün
hain / dörffe
re / in der
Kron Böh
hem gelegē /
hat einnem

zu ernold
gung dieses
vortrags
hat der Kö
nig seine
Reth nicht
eher denn
in der Sa
sten dara
nach gen
Dobrilug
verordnet /
E ij gemes

gemes fürwende lassen / als das die hendel klar ausweisen / So wissen des Churfürsten Reth / die er darzu verordenet gehabt / auch guten bericht davon zu gebē / vnd ist in summa diesem vertrag volge zu thun / am Churfürsten nie kein man gel gewest.

Diesem vnd dem nechst folgenden Artikel ist volg beschehen / also / das der Herr von Plawen Oberster Behemischer Cantzler / den werth diser Dörffer vñ güter / auff ruff. tausent vnd etlich hundert gñlden gewidert vnd ausgesprochen.

Da zwischen vnd ehe aber solche abtretunge beschicht / sollē die Königliche Maiestet ire Reth vnd Commissari verordenen / vnd den selben aufflegen / die Grünheimischen güter / eigentlich zu bereiten / vnd zubeschreiben / vnd zuerkündigen / was die an jerlicher gülden vnd nutzungen ertragen mögen / dieselben auch der gelegenheit vnd lands art nach / was die erblich wert sein / messigen vnd taxiren / vnd in ein bestimpte summa bringen lassen / zu welcher bereitung / beschreibung vnd messigung / der Churfürst seine Reth auch verordenen mag / solches also mithandeln zu helffen / Vnd sol von jedem teil / zween oder drey Commissarien verordnet werden.

Vnd wo sich aber die verordneten Reth vnd Commissarien / der Tax vñ messigung nicht vorgleichen möchten / sol Herr Heinrich / des heiligen Römischen Reichs / Burggraff zu Meissen / Graue zum Hartenstein / vnd Herr zu Plawen / auff Engelsburg des Königreichs Behem oberster Cantzler / oder ein anderer / des man sich mitler zeit vergleichen mag / zu Obman verordnet werden / Vnd welchem teil

chem teil der selb erkist Obman / in der Tax
vnd messigung / zu fallen wirdet / darbey solle
es vngeweigert bleiben.

Es solle auch mitler zeit / mit dem Chur
fürste abreitung beschehen / was S. Chur. G.
ander schuld von weiland Keiser Maximili-
an / herrürendt empfangen / vnd nach per rest
vberrißigkeit bleibt / der selb rest sampt der sum-
ma / darauff die Grünheimischen güter taxirt
werden / sol dem Churfürsten zusammen geschla-
gen / vnd sein Chur. G. vmb die selb ganz sum-
ma / auff gülden vnd gütern / zu dem Closter
Dobriluge gehörig / dieweil dieselben dem
Churfürsten am nechsten sein / Pfandweis-
gnugsamlich vnd solcher mas vorsichert vnd
vorwiesen werden / das sein Chur. G. von sol-
cher summa / als hoch sich die vorlauffen wir-
det / je vom hundert fünff gülden zureiten /
jerlicher nützung / vnd niessung haben müge /
vnd darumb die selben güter sein / des Chur-
fürsten recht vorschrieben vnderpfandt sein /
Derhalben auch die Kön. May. vñ der Chur-
fürst / derselben Kethe vnd Commissarien
aufflegen sollen / So die abtrettinge / des Klo-
sters Dobrilug vom Churfürsten beschehen
wirdet / das dazumal die güter / zum Kloster
Dobriluge gehörig / so dem Churfürsten am
nechsten

Zierin ist
am König
in allen her
nach besche
henen hand
delungen
mangel ges
west / das ist
May. die
vorschriebe
ne Keims
sche Gült
den / einen
jeden nur
mit xv. pa
zen hat
wöllen bes
salen lassen

Dis hat der
König alle
les nach
auffgerich
ten vortras
ge / in den
gefolgten
handlungē
vñ den Do
bril

berlug vom
Churfürste
abgetreten
haben wöls
len / Also /
was ander
schuld vber
erlich get
ringschertz
ge güter /
die in des
Churfürste
Landen vñ
Obtrigkeit
gelegen
vberblieb /
das solt
sein Chur.
G. auff etz
lich Tags
fristern vom
König be
salt nemen /
so es doch
durch S.
Chur. G. Rethen / zu Speyr in dieser vortrags handlung klar abgeschlagen /
ferner geteilten bezalung hinfort vom König gewertig zu sein / Diweil S.
Chur. G. mit der gleichen bezalung zuvor nicht zugehalten worden.

nechsten gelegen / vnd als obsteht / zu vnter
pfand eingesetzt vnd verschrieben / Gleicher
weis beritten vnd beschrieben / auch in einen
anschlag des werts / vnd was die an der gült
vñ nuzung jerlich ertrage mögen / gebraucht /
vnd volgends dem Churfürsten / ein nottürff
tige pfandverschreibung auffgericht werde /
des jerlichen zinsgeld inmassen wie obsteht /
dauon gewis habhafft zu sein / Vnd im fahl /
do sich der Kön. Maie. vnd des Churfürsten
von Sachssen verordente Rethen vnd Com
missari / des anschlags vnd schatzung der gü
ter zum Kloster Dobrilug gehörig / auch nicht
vergleichen möchten / sol der Obman als obste
het / den bey oder zufal thun mögen / dabey es
aber vngewegert bleiben solle.

Es sollen auch zur zeit solcher bereitung vñ
beschreibung von den Commissarien / die güter
so wie obgehört / dem Churfürste vnderpfand
weise / eingesetzt / mit den anreimungen oder Pi
marcken souiel möglich beschrieben / auch aus
gesteckt vnd gemerckt werden / zuuerhütung
künfftiger irrung / vnd zwittracht / so derhalb
einfallen möchten.

Der Churfürst sol auch des Klosters Do
briluge /

briluge/vnterthanen/die jme gehörter massen
verpfendt werden / vber des jerlichen zins/je
von hundert gülden fünff zureitē / mit nichten
anfechten oder beschweren / sie bey jrem alten
herkomen vnd gebrauch / auch in steuern/ reis
sen/mitleidungen/ vnd allen andern hochheitē
vnd oberkeiten/wie andere des landes Nider
lausnitz vnderthanen/bey der Kön. May. vnd
derselben Landen gehorsame bleiben lassen/
Vnd sein Churfürstlich gnad/ als pfandherr/
dergleichen seine vnderthanen/sie danon nicht
abziehen/oder daran verhindern.

Was aber dis Klosters schutz / schirms/
vnd anders halben / dem Churfürsten oder
Herzog Moritzen zu Sachssen / von alters
her billich zugehört hette / darbey sol es nach
maln bleiben.

Es sol auch sein Chur. G. der Kön. May.
einen nottärffrigen vnd gnugsamen Reuerss/
wie man sich desselben auff berürte Artickel/
vergleichen wirdet / geben vnd zustellen / wenn
die Kön. May. oder derselben nachkomen Kö
nige zu Behem / vnd Marggraffen in Lausnitz
seinen Churfürstlichen gnaden / oder der selbē
erben / die summa des pfandschillings erlegen /
Das als denn S. Chur. G. oder der selben er
ben / der angezognen pfandschafft / wie jme die
F mit

mit den beschriebenen vnd ausgesteckten anre-
nigung vnd Pinmarcken / itzo eingeaantwort
wirdet / on alle einrede oder weigerung / abtre-
ten / vnd den pfandbrieff widerumb heraus ge-
ben wölle / Dergleichen sol auch sein Chur. G.
gegen auffrichtunge vnd verfertigung des
pfandbrieffs / Keiser Maximilianus schuld-
brieff / vnd was sein Chur. G. dieser anforde-
rung halb sonst beyhendig hette / zu der Kön.
Majest. handen vberantworten lassen / Doch
wenn sich künfftiglich zutragen würde / das
mit dem Kloster Dobriluge einige verande-
rung oder verkauffunge beschehen / So sol
der Churfürst / oder seine erben inmassen sol-
che veränderung oder verkauffung / auff an-
dere gewendet / vor andern darzu komen vnd
gelassen werden.

Souiel dann betrifft den Apt vnd Con-
uentuales zu Dobrilug / dergleichen die Pfar-
herr / so vnter dem selben Kloster wonen / dar-
innen wil sich die Kön. Majestet auff meh-
rern bericht / was den selben irer vorsehung
halben bewilliget worden / nach gelegenheit
dermassen erzeigen / das irer Majestet ganz
vnuerweislich / vnd der Churfürst darinnen
vnbeschwert sein solle.

Ir Kön. Mai. wil auch den Apt vnd die
vndertha

Diesen an-
hang hat
der König
als jr Ma-
jestet jün-
gst zu
Preslau
gewest / ge-
gen des
Churfür-
sten gesan-
ten / nem-
lich Assu-
sen von
Konritz /
Amptmā
auff dem
Schneber-
ge / auch
abschlagē
lassen / mit
fürwen-
dung / als
kündt jr
Mai. dem
selben mit
geleben.

vnderthanen / vmb des willen / das sie seinen
Chur. G. huldung gethan / aus allen sorgen
lassen / Doch das entgegen sein Chur. G. Graf
Albrecht Schligken / der im namen jrer Kön.
Majestet / hierin gehandelt / auch mit nichte be
schwere / Vnd ob sein Chur G. gegen jme einiz
ge vngnad oder vnwillen gefast hette / densel
ben auch fallen lassen / vnd sich gegen jme mit
gnaden erzeigen wölle.

Weiter als der Churfürst zu Sachssen / wie
hieuor gemelt / vmb Confirmation des Gülü
chischen heiradts vertrags / zum offtermal vn
dertheniglich angesucht vñ gebeten / Vnd aber
die Röm. Kei. Mai. solchs bis auff diese zeit
her verzogen / hat doch jr Kei. Mai. zu friedli
cher einigkeit / auch allen sachen zu gnaden vnd
gutem / auff itzig der Churfürsten zu Sachssen
vnderthenig beschehen ersuchen / vnd der Röm.
Majestet fürderung gnediglich bewilliget / be
stimpten Gülüchischen heiradts vertrag / nach
folgender mas zu confirmirn vñ zu bestatten /
Nemlich / so sichs zutragen würde / das der
itzig Hertzog von Gülüch / Cleff vnd Berga /
oder seine erben / an manlichen lehens erben /
Tods abgiengen / das als denn die Kei. Majes
tet / oder derselben nachkomen am Reiche /
vorbenanten Churfürsten zu Sachssen / oder

f ij wo er

wo er tods abgangen / seinen manlichen leibs-
erben für vnd für zureiten / die Fürstenthumb
Gülich / Cleff vnd Berga / zu rechtem mansle-
hen verleihen / vnd derhalben nottürffiglich
Lehenbrieff verfertige lassen wölle / Doch mit
dieser Condition vnd mas / so fern die streitige
Religion / vor obgemeltem saal zu Christenli-
cher vergleichung / Concordi oder einigkeit
würde gereichen / Denn wo solche Concordi
in vorberürtem saal / nicht beschehe / Vnd der
Churfürst vnd seine erben / würden als den be-
schwert sein / Mit diser ferrern Condition das
Land anzunemen / Nemlich / das sie die Vnder-
thanen der selben Lande / bey irem glauben vñ
Religion / darinnen sie jtz sein / auch als denn
der Reichs stende vereinigung nach sein wür-
den / genzlich bleiben zulassen / Das alsdenn
die vorberürte Kei. Mai. Confirmation vn-
fruchtbar / vnd vntreffig sein / der Churfürst
vnd seine erben sich auch / damit vielberürter
Lande halben / nicht sollen zu behelffen haben /
Das auch bemelter Churfürst / für sich vnd sei-
ne erben / auff solche beleyhung als bald / alle ge-
rechtigkeit vñ forderungen / etlicher güter / im
Land zu Gellern gelegen / der Römischen Kei.
Maie. als Herzogen zu Gellern zu gut / vnd
nutze sich frey begeben / vnd der selben on
verhins

verhinderung jrer Mai. vnd derselben erben
vnd nachkomen folgen/ vnd bey dem Herzog
thumb Gellern/ ewiglich bleiben lassen sollen/
Alles vermüge vnd nach inhalt/ derhalben
vbergeben Reuersbrieff/welcher er vnd seine
erben gestracks geleben/ vñ nachkomen/ Sich
auch darüber/ für sich vnd seiner gemalh auff
obberürtem faal/ aller vnd jeder gutthaten/
freiheiten vnd beneficien der Rechte/es sey Re
stitution/oder dergleichen andere behelff vnd
Exception/ wie die im rechten immer namen
haben mögen/genzlich verzeihen sollen.

Letztlich / so ist im namen des Allmechtigen
zwischen Röm. Kön. Maiestet/ geliebte Toch
ter/ Königin Eleonora/ vnd des Churfürsten
zu Sachssen eltestem Sone ein ehelicher hei
rad abgeredt vnd beschlossen / Wie hernach
folget/ Nemlich/ das die Röm. Kön. Mai. be
melt jr Tochter Eleonora/ im faal/ so der zwi
spalt/ der streitigen Religion / vor vñ ehe sie jr
manbare Jar erreicht/ mit wissen vnd willen
der Röm. Kei. vnd Kön. Maiesteten / auch
gemeiner Reichsstende zu Christlicher verglei
chung gebracht wirdet/ darzu jr beider Maie
steten/ auch der Churf. zu Sachssen / all ver
mögliche hülffe vñ fürderung zuerzeigen erbö
tig sein/benants Churf. eltesten / vnd im faal
seines

Dis Frew
lin Eleono
ra solt zu
Regenspurg
dem Herzo
gen von
Sophoy
wie danon
geschrieben
wird / sein
zugesaget
wordē/ Die
weil der
Churfürst
von der wa
ren Religio
on nit weit
chen / noch
die selben
dem Heps
tische Trien
tischen Con
cilio vnters
werffen wil
noch kon.

seines tödlichen abgangs/dem andern Sone/
auff den die Chur zu Sachssen fellet / ehelich
zu vermahlen/zusagen vñ versprechen lassen.

Die weitem Punct dieses abgeredten heis-
radts / seind als vnnottürfftig alhier auszu-
drucken vnterlassen / dieweil der Churfürst
diese heiradts handlung allein darumb in der
verantwortung angezogen / das hieraus ein
jeder abnemen könne / mit was fügen oder
gründe man seinen Chur. G. jzt möge vnges-
horsam zumessen.

Alles Erbarlich vnd on alles geferde/ Vnd
des zu warem vrkunt / sind dieser abhande-
lung vnd endlichen vergleichunge/drey schriff-
ten/in gleicher laut auffgericht / deren eine die
Römischer Kei. die ander Römischer Kön.
Maiesteten/ vnd die dritte/ dem Churfürsten
zu Sachssen zugestelt / Welche mit obgemel-
ter der Keiser. vnd Königlichen Maiesteten/
der gleichen des Churfürsten von Sachssen
verordenten Rethen / eigenen handen/ vnter-
schrieben/vnd jren furgedruckten insigelen/ge-
fertiget worden / Doch jnen / jren erben / vnd
Insigeln on schaden. Geschehen zu Speyr/
den eilfften tag Maij. Nach Christi geburt/
Fünffzehen hundert / vñ im vier vnd vierzig-
sten Jar.

Volget

**Folget hernach Kei. Maiestet Kas-
tification/auff berürte Speyrische
vortrags handlungen.**

Wir Karl / Von Gotts gnaden/
Römischer Keiser / zu allen zeiten mehrer des
Reichs etc. Bekennen öffentlich mit diesem
Brieff/vñ thun kund aller meniglich/Als zwischen dem
Durchleuchtigsten/Grosmechtigen Fürsten vnd Herrn
Ferdinanden/Römischen/zu Hungern vnd Behem etc.
Königen/ Infanten in Hispanien/Erzherzogen zu
Osterreich/Hertzogen zu Burgundi/Steyr/Kerndten/
Krain vnd Wirtemberg zc. Grauen zu Tyrol zc. vnser
ferm freundlichen lieben Bruder an einem / Vnd dem
Hochgebornen Johans Friderichen / Hertzogen zu
Sachsen/Landtgrauen in Düringen / Marggrauen zu
Meissen/des heilige Römischen Reichs Erzmarshalh/
vnserm lieben Oheim vnd Churfürsten / anders teils/
von wegen des irthumb/spruch vñ anforderung/so sich
zwischen iren liebden zugetragen/ durch vnser/ auch ire
beider liebden / in sonderheit darzu verordenten/ geheis-
men vnd vertrauten Rethen/ benentlich die wolgebora-
nen/Edlen/Ersamen/gelerten / vnser vnd des Reichs
liebe getrewen/Niclasen Perenot/Herrn zu Granuella/
Hansen Hoffman Freyherrn zu Grünenpuhl vnd Stres-
chau/Gregorien Brücken der Rechten Doctor / vnd
Franciscen Burckhart ein endliche vnd ewige verglei-
chung gemacht / Auch ferrer zwischen bemelts vnser
lieben Bruders Tochter Königin Eleonora / vnd des
Churfürsten eltestem Sone / vnd im saal seines tödtli-
chen abgans / dem andern seinem Sone / auff den die
Chur zu Sachsen fallt / einhelicher heiradt abgeredt
vnd bes

vnd beschlossen worden / vnd in der selben vergleichung
vnd abred / vnter anderm ein Artikel begriffen / wie vnd
mit was Condition / wir / vñ vnser nachkomen am Reiche
auff vnser Confirmation des Gölchischen heirades
vertrags gedachtem Churfürsten von Sachssen / oder
wo er tods abgangen / seinen manlichen leibs erben / die
Fürstenthumb Gölch / Cleff / vnd Berga / zu rechtem
mansleben verleihen sollen / inmassen denn solchs alles
obgedachter verordenten Kette / vnd vnderhandler ver-
gleichung vnd abred / mit iren eigen handen vnderschr-
ben / vñ iren Insigeln gefertiget worden / Dero Dato ste-
het / Speyr am letzten tag des Monats Maij / dis gegen
wertigen vier vnd vierzigsten Jars / nachlengs vermag
vnd ausweist / Das wir dem nach für vns vñ vnser nach
komē am Reiche / in solcher vergleichung vñ vereinung /
so viel die selb / vns vñ vnser nachkomen am Reiche von
wegen der belehnung / obbestimpten Fürstenthumb
Gölch / Cleff vnd Berga / vnd sonst in allem anderm be-
rürt / gnediglich bewilligt / dieselb Ratificirt vnd bekref-
tiget haben / bewilligen / Ratificirn vñ bekrefstige / auch
hiemit wissentlich in krafft dieses Brieffs / vnd meinen
setzen vñ wöllen / das demselben von vns vñ vnsern nach
komen / am Reich mit der mas vnd bescheidenheit / wie
solches berürtet vergleichung vnd abred ausweist / vnd
mit sich bringt / genug vnd volziehung beschehen / vnd
darwider nicht gehandelt werden solle / in keine weise /
ongewerde / Mit vrkundt dis Brieffs besigelt mit vn-
serm Keiserlichen anhangenden Insigel / Der geben ist
in vnser / vnd des Reichs Stadt Speyr / den dritten tag
des Monats Junij / nach Christi vnsern lieben Herrn
geburt / fünffzehnhundert / vñ im vier vñ vierzigsten /
vnsern Keiserthumbs / im vier vnd zweintzigsten / vnd
vnserer Reiche im neun vnd zweintzigsten Jare.

Römischer

Römischer Kön. Maiest. Ratification vber
den vertrag zu Speier.

Wir Ferdinand/von Gottes gnaden/Röm. König/
zu allen zeiten mehrer des Reichs 2c. Bekennen
offentlich mit diesem Brieff/vnd thun kund aller
meniglich / Als in den irthumben / spruch vnd anuor-
drungen/so sich zwischen vnser/an einem/vnd dem hoch
gebornen Hans Friderichen/ Herzogen zu Sachsen/
Landgrauen in Düringen / vnd Marggrauen zu Meis-
sen/des heiligen Reichs Erzmarshalhen/ vñ Churfür-
sten/von wegen vnserer Röm. Kön.waal/auch des Clo-
sters Dobrilug/ in vnserm Fürstenthumb Niderlausitz
gelegen / dergleichen etlicher des Closters Grünhain
Dörffer / vnd einer schuld halben herrürendt von weis-
land vnserm anherrn Keiser Maximilian / anders teils
gehalten / mit vnserm gnedigsten vorwissen vnd bewil-
ligen/ durch der Röm. Kei. Maie. vnser lieben Bruders
vnd Herrn/auch vnser vnd bemelts Churfürsten/ in son-
derheit dar verordenten geheimen vnd vertraueten Re-
the/ Benentlich die wolgebornen Edlen / Ersamen/
geleerten / vnser des Reichs lieben getrewen Niclasen
Perenot/Herrn zu Granuella/ Hansen Hoffman/ Frei-
herrn zum Grüenpfluß vnd Strechau 2c. Gregorien
Brücken/der Rechten Doctor/ vnd Franciscen Durck-
harten / ein endliche vnd ewige vergleichung gemacht/
auch ferner zwischen vnser geliebten Tochter / Königin
Eleonora/vnd benants Churfürsten eltsften Sone/vnd
im fall seines tödlichen abgangs / dem andern seinem
Sone/auff den die Chur zu Sachsen fallt/ein ehelicher
heirat abgeredt vnd beschlossen worden ist/wie das sol-
che vergleichung vnd abrede / von den jztgemelten ver-
ordenten Rethen/vnd vnterhandlern / in Schrift ver-
fasset/vnd mit iren eignen handen vnterschrieben/ Auch
iren insigeln gefertigt worden/Dero Dato steht Speier/
G am

am letzten tag des Monats Maij / bis gegenwertigen
44. jars / nach lenges vernag vnd ausweist. Das wir
demnach für vns / vnser Erben vnd nachkomen / in sol-
che ewige vergleichung vnd vereinigung / auch heirats
abrede / mit der Conditionen / puncten artickeln / wie ob-
berürte gefertigte Schrifft nach lengs mit sich bringt /
gnediglich bewilligt / die selbs ratificiert vnd bekrefftig-
get haben / Verwilligen / Ratificiern vnd bekrefftigen /
auch hiemit wissentlich in krafft dis Brieffs / Also / das
wir solches vergleichung vnd vereinigung / auch heirats
abrede / mit den Conditionen / puncten vnd artickeln da-
rinn begriffen / vnser theils gnediglich vnd vngeweigert
nachkomen / denselben alles ires inhalts / gnug vnd vol-
ziehung thun / vnd dawider nicht handeln / noch solches
zu geschehen verschaffen wollen / in kein weise ongeferte /
Mit vnkund dis Brieffs besigelt / mit vnserm Kön. an-
hangenden Insigel. Datum Speier den dritten tag Ju-
nij / Anno Domini 1544.

Volget die Schrifft / so der Churfürst zu
Sachsen an Kei. Ma. auff irer Ma. Mandat ges-
than / Julien Pflugen betreffende.

Aller Durchleuchtigster Grosmechtigster Keiser /
E. Kei. Ma. sein mein vnterthenigste ganz willige
dienst zuoran / Aller gnedigster Herr / Ich bin vn-
gezweivelt E. Kei. Ma. werden sich gnedigst erinnern /
welcher gestalt mein Rath vnd Diener M. Franciscus
Burchhart / kurz vor E. Kei. Ma. auffbruch von nechst
gehaltenem Reichstage zu Wurmb / E. Ke. Ma. vnter-
thenigst angesucht / vnd gebeten / das sie sich durch Er-
Julium Pflug nicht wolten bewegen lassen / vnsern ge-
rechtigkeiten zu nachteil mit der wechligkeit des Stiffts
Neumburg zu belehnen / sondern den sachen ruhe vnd an-
stand zu geben / bis auff irigen E. Kei. Ma. Reichstag zu
Regenspurg / vnd daselbst vnser notturfft dieser sachen
ferner

ferner vernemen/Darauff denn auch E. Kei. Ma. berürte
te belehnung / daselbst zu Wurmbs gnedigst angefalt/
Wie ich aber etliche der meinen/auff E. Ke. Ma. daselbst
zu Wurmbs auffgerichtem abschied nechst zu dem Colo
loquio gen Regenspurg verordent gehabt/haben sie mir
zu erkennen gegeben/ das genanter Pflug / zu berürtem
Colloquio für einen mit presidenten / vnd vnter dem ti
tel/als ein Bischoff zur Neunburg/ vnd Fürste des Reic
ches von E. Ke. Ma. verordent / Vnd wiewol jnen bes
dencklich vnd beschwerlich gewest / darauff vor Pflus
gen / als einen verordenten mit presidenten zu handeln/
setten sie doch darumb nicht abreisen wollen/ Dieweil
sie es aber mir/wie sie schuldig gewest/zur erkennen gege
ben / So ist es mir wider vnd ober berürte von E. Kei.
Ma. beschehene anstellung zuuernemen nicht vnbilllich/
befremdblich vnd beschwerlich gewest / Habe den dings
gen noch nicht genglich glauben gegeben / bis das mir
ein hoch beschwerlich Mandat vnd precept / in E. Kei.
Ma. namen lautent/ jzt zu komen / Daraus ich solchs/
vnd das er bey E. Kei. Maie. vorbemelte belehnung ers
langt/mit ernstten E. Kei. Ma. begeren/was ich der wes
gen thun vnd verfügen solte/klar befunden. Diweil aber
E. Kei. Ma. gnedig können ermessen/ was nachteils mir
vnd meinen Erben / vnherwiderbringlich meiner / eins
Bischoffs zur Neunburg/ vnd desselben Stiffes herges
brachten gerechtigkeiten halben/dauon wolt eruolgen/
zu dem / das ich mich zu dem Pflugen keiner trew noch
guts zuuersehen weis/auch ein verfolger sein würde/ mei
ner vnd anderer Christlichen Stende / Augspurgischen
Confession/So hab ich wider solche des Pflugen gefers
liche handlung vnd ausbringen zu protestiern/vnd meis
ne rechtweffige notturffe fürzuwenden nicht vmbgehen
können/vnterthenigster hoffnung/ E. Kei. Ma. werde
mich darumb nicht verdencfen. Denn ob wol Pflug ei
ne vermeinte Supplication schrifft / an E. Kei. Maie.

Commissarien/auch Churfürst/Fürsten vnd Stend des
Reichs Botschafften / auff gehaltenem Reichstage zu
Nürnberg/des verschieenen 42. jars / wider mich vber-
geben / So bin ich doch zu seinem vermeinten Supplia-
curn / nie bescheiden noch citiert worden / Diweil mir
aber meine Rech/ so sich auff gedachtem Reichstage ges-
habt/davon bericht gethan / auch eine Copey davon zu
wegen bracht/So ist nicht on/ das ich wider des pflus-
gen vngegründte verleumbdung/einen warhafftigen ge-
genbericht/durch einen druck hab ausgehen lassen/ Vnd
diweil er sich vnterstanden / darwider eine noch mehr
vngegründte gegenredt zu thun/ vñ wider mich drücken
zu lassen/ So bin ich nicht vnbillich bewegt worden/zu
weiter ablehnung desselben / darwider auch noch eine
schrifte zu thun/vñ in druck zu geben/Aber gar nicht der
meinung / damit etwas in rechtlicher form fürzuwen-
den/wie er den auch keinen rechtliche process wider mich
nie angefangen/viel weniger sein beweisung oder gegen-
beweisungen/als die notturfft erfordern wil / in der sa-
chen auff einichem teil versürt / Sondern alles was bes-
rürter berrichte vnd gegenberrichte halben/ in Schrifften
vnd durch den druck ergangen/das ist aussershalb Rech-
tens beider seits beschehen/ So hab ich mich auch in den
selben meinen schrifften/klar vnd schlieslich gegen im zu
Recht/vnd so viel das preiudicium der Religion belan-
get/auff ein gemein / frey Christlich Concilium / was
aber die weltliche preiudicia antrifft/vor vnparteischem
E. Ke. Ma. Commissarien ime des Rechten zu sein/erbo-
ten/Des ich als ein Churfürst des heiligen Röm. Reichs
ja billich solt genieffen / vnd durch Er Julium Pflug/
mit erlangung mehrgemelter Mandaten vñ precepten/
also/vnd on alle gebürliche Justification/nicht vberreilt
noch verurteilt werden. Hiernumb ist an E. Ke. Maie.
mein vnterthenigste bitt / die wöllen dis mein schreiben
zu meiner hohen vnuermeidlichen notturfft/vnd anders
nicht

nicht vermercken/ vnd die vermeinte Pflugs erlangte be-
lehrung/ sampt dem geschwinden Penal Mandat/ vnd
precept/ gnedigst cassirn/ vnd die sachen zu gebürlicher
vnd rechtlicher erörterung komen lassen/ oder die ding
vnd sachen zum wenigsten suspendiern/ vnd meine Reth
die ich auffss erst als es möglich/ zu jzigen E. Kei. Maie.
Reichstage gen Regenspurg abzufertigen willens / ders
wegen weiter gnedigst hören/ E. K. Ma. wölle sich hiers
auff gnedigst erzeigen/ wie mein vnterthenige hoffnung
zu E. Kei. Ma. stehet/ Das bin ich vmb E. Kei. Maie. in
aller schuldigen vnterthenigkeit zu verdienen willig/
Datum Zenichen den 16. Aprilis/ 1546.

Churfürst

An Kei. Maie.

Artikel der Sequestration vom Keiser vbergeben.

Erstlich/ das der Röm. Keiserlichen Ma. das Land
Braunschweig/ auff derselben erfordern/ vnd zu er-
haltung irer Kei. Ma. Authoritet vnd Obrigkeit/
innerhalb eines Monats aller nechst / nach geschehener
bewilligung vnd versicherung/ zu handen gelieffert wer-
den/ Vnd sollen ire Kei. Maie. solch Land vnd Leut/ zu
meniglichs gerechtigkeit annemen/ behalten/ vnd nicht
von handen geben/ so viel vnd lang/ bis die parteien irer
Speen vnd jrungen / mit einander gütlich oder Rechts-
lich vergliechen oder entscheiden seien.

Zum andern/ das jr K. M. die administration berürts
Lands/ zweien aus den hiernach bestimpte Chur vñ Für-
sten/ als benentlich Pfalzgraff Friderichen/ oder Marg-
graff Joachim/ Churfürste/ Herzog Hansen Pfalzgra-
uen/ Herzog Morizen zu Sachsen/ oder Herzog Wilhel-
men zu Gällich zc. gnediglich beuehlen/ So aber bemelte
Chur oder Fürsten/ sich solcher administration zu vnter-
G iij nemen/

nemen/beschweren würdē/So wil ire Mai. andere beque
me Commissarien/zu solcher administration fürnemen/
vñ verordnen/Auch versetzung thun/das dieselben zwen
erwelten/dise handlung der Sequestration/mit iren Con
ditionen vnd anhängen/wircklich zu volziehen/densels
ben auch/aller inhalt zu geleben vnd nachzukomen/zu
sagen vnd versprechen/Vñ sonderlich/das sie das Land
nach vermüge dieser abrede vnd Capitulation/in vnd
an der irer Maiest. als Röm. Keisers namen/on einiche
parteiligkeit/wol vnd trewlich verwalten vnd adminis
trieren/vnd alles das jenig/so zu gütlicher vnd friedlis
cher regierung des Landes/dienen mag/fürnemen vnd
befördern/Vnd denn auch alle ordnungen im Land/der
gleichen die Verrege mit Nachbawren vnd Einessen/
was seither der Stend eroberung/zu erhaltung friedlis
cher/guter Nachbawrschafft/vnd der Landschafft/vñ
vnterhanen/zu gutem gemacht/vnd auffgericht wor
den/mitler zeit bleiben lassen/Also/das berürt Land/
auch obgemelte ordnungen vnd verrege/im stand/wo
sie jzt geschaffen/bis zu gütlicher oder rechtlicher entlis
cher erörterung bleiben/Vnd Herzog Heinrich von
Braunschweig/in das Land nicht gelassen/noch seine
diener/mitler zeit zu Ampt vnd Beuelchsleuten/in das
Land Baunschweig nicht verordent/vnd gebraucht
werden sollen.

Zum dritten/Das jr Kei. Maie. den Commissarien/
denen die verwaltung des Lands/wie vorsteher/beuo
len wirdet/Oder wo sie den partheien/als den obgemel
ten Stenden/vnd Herzog Heinrichen nicht gelegen/ans
dern Commissarien/die inen nicht beschwerlich/beuehl
vnd gewalt geben/zwischen inen den partheien/gütliche
handlung fürzunemen/vnd wo müglich/sie zuvertra
gen. Da aber die güte nicht wolte oder würds verfaben/
Das alsden/diese sache/rechtlich geörtert werden/Vnd
das mitler weil/vor gütlicher oder rechtlicher eruolger
ter

ter erörterung/kein parthey/durch sich selbst/ noch andere/mit der that/vnd in vngutem/innerhalb oder außerhalb Rechts/weder heimlich noch öffentlich/gegen der andern/vnd derselben Landen vnd Leuten/auch den jnnhabern/einsessen/vnterthanen/nachbarn/Kethen/dienern vnd verwandten/sampt noch sonderlich nichts fürnemen/Sondern des gütlischen oder rechtlichen austrags/vnd erörterung also erwarten sollen.

Zum vierden/hat die Kei. Maiest. zu erhaltung frieds vnd ruhe/ im heiligen Reich / aus krafft irer Kei. macht vnd Oberkeit / gesetzt / Wo solch partheien wider diese abrede vnd Capitulation/handeln/ das dieselben / in peen des Landfriedens / gefallen sein sollen/ vnd das ire Maiest./zu fürderlicher execution/ wider den verbrechenden teil/verhelffen sollen vnd wollen.

Zum fünfften/das ire Keiserliche Maie. den beschlus vnd vergleichung dieser abrede vnd Capitulation/ Herzog Heinrichen von Braunschweig/gnediglich verkünden/vnd mit jm handeln lassen/dieselbige auch zubewilligen/vnd zu Ratificiern. Im fall aber/ wo er das ausdrücklich zu thun wegern würde/das denn ire Kei. Ma. jm aus Keiserlicher macht vnd Obrigkeit / dieser Capitulation nachzukomen vnd zugeleben/bey obbestimpter peen/ des Landfriedens / ernstlich mandiern vnd gebieten/Vnd also nichts weniger/ diese abrede vnd Capitulation/in allwege/ endlich fürgehen vnd volzogen werden sol.

Zum sechsten/Das denen von Gosslar/hiebevor beschehner Suspension vnd bewilligung nach/das Recht/wider meniglich wirklich geöffnet werde.

